



2956  
18  
20





特  
門 20  
號 2956  
卷 18

皇明經世文編卷之一百一

陳子龍臥子

宋徵璧尚木

華亭

徐孚遠闇公

吳嘉胤繩如

楊廷樞維斗泰閱

李康惠公奏疏

疏

李承勛

陳言邊務疏

邊務

一日豐糧餉以招逃散照得開原并各城堡逃軍先  
因月糧賞賜數年缺支內外各官科歛民財逼買貂



選輯  
三月  
小田  
長  
寄



鼠馬匹夷器等物以贖其財、搶奪首級、淫占婦女、以失其心、此等軍役、一身在逃、家產盡棄、妻子田地、屬之他人、今聞此輩、多在金復等衛、及海島等處潛住、若錢糧克足之時、出給告示、許其自首還伍、若十日之內自首者、將在前欠伊月糧一併通給、二十日首者、准給一半、一月首者、准三分之一、違者許諸人首告捉拿、并窩家兩鄰、照例問罪、解發在前拖欠月糧、通不補放、俟其到衛、追還妻子、以繫其心、給與原產、以安其業、則人心固而軍伍實矣、所可憂者、倉廩空匱、人無固志、目下地方十分危急、乞檢臣先次會題事理、速發官銀、以濟邊餉、地方幸甚、

二日處夷情以消後患、照得正德十四年開原官軍斬殺賊首速長加等一節、是非功罪、廟堂自有公論、但日久未奉處分、外則夷狄積怨愈深、內則邊軍疑懼不解、乞勅該部速行議處、臣又訪得中間被殺之人、有係都督指揮等官、而其原領勅諭亦多毀失、此等夷人皆其會長、父兄弟、既已被殺、朝貢交易、又各絕望、其糾合黨類、報怨犯邊、勢所必至、前任巡撫



都御史張禴亦慮及此，曾遣都指揮薛澄通事佟斌等前去撫諭，續據撫順所指揮劉尚德報到番文內稱：衆人外邊過不得，速長加一起做歹的，都殺了不虧他。我們商議殺了老子兒子，在殺了哥哥兄弟，在鹽不得喫，布草不得穿，段子襖子，我們地方不出衆人，怎麼過。今着惱克來苦告有竹孔革字羅失保哈，捨捨革等就來嗑頭赴罪，帶我照舊開原行走。據此情節，則交易之利，彼不能忘，朝貢之望，亦何敢絕。但父兄被殺，子弟不得襲替，以此不敢欺塞耳。臣愚以

爲宜遣熟夷招致被殺者子弟，諭以朝廷威德，罰弗及嗣，許其照舊襲替朝貢。其有失落勅書者，驗審有據，亦與更換。則遠夷心服，後患可消矣。

三日復邊防以嚴保障，查得開原舊額有堡八所，墩臺一百六十餘座。當時將領得人，邊防嚴固，雖有達賊勢無能爲。近年以來，選將不問勇怯，惟金多者得之，邊牆任其倒塌而不修，臺堡任其克去而不報。但

公在遠左築定遠慶雲古城築夷松山諸堡墩

望百八十所屯田千五百頃

遇地方有事，即便厚歛彌縫。年復一年，其弊滋甚。八堡巴克其五，墩臺俱各失守，烽火無從傳報。按伏全



是虛名屯田之人殺擄殆盡達賊直至開原城下人尚不知以此城中軍士有田不敢種有山不敢樵坐食空城張願待哺餓死之人無日無之可謂至危至急之秋矣臣嘗詢訪邊方年高知事之人眾說紛紜各有所見樂因循者曰軍士飢疲不可有為此言似矣不知屯堡不復創疲終無已時喜事功者曰不一勞者不永逸此言似矣不知十餘年之廢墜固非一日所能舉夫事功不可驟為而時日不可玩愒期以二年事當就緒照舊規調取金復海蓋等衛修邊夫

丁一萬六千餘名每年以三月為期動工兩月而罷

邊方與二板築必須精兵築防護

調本鎮精壯軍馬一萬二千人督率前去劄為四營外為禦虜之計內施畚築之功兩月工畢即倭散還將原先守堡守臺兵馬發去填實傳報烽火自近而遠以次開關關一尺則守一尺比之暫來暫去有名無實者異矣然動工固難而積糧尤難以兩月通筭丁夫一萬六千餘名約用口糧一萬餘石軍士一萬二千約共行糧一萬八百餘石馬料約用豆二萬一千六百餘石草七十二萬餘束必須逐年趁收成時



糴買每年以十月備糧兩月興作所貴人不久勞而  
 事可漸舉查得本鎮舊有郎中一員專管糧儲但開  
 原僻居一隅事難兼濟乞勅戶部另委員外郎或主  
 事一員前來專一整理開原糧餉候工程完日回京  
 四日擇机宜以便戰守蓋聞用兵之要能謀而後能  
 戰能戰而後能守開原邊事固當以守為主尤當以  
 謀為先訪得海西等衛夷人其部落多者不過數百  
 人少者不過三五十人每入為寇必借人借馬相期  
 數月而後能舉兼其酋長凶惡者固多而向善者亦

此表兵強而勢分祖宗時衆建諸衛

至二百餘亦有深意也

有又有一種土人俗號為土高麗者住近開原人素  
 驍勇舊日亦曾効用若開誠心以招之懸厚賞以誘  
 之上則可使以夷攻夷中則可使黨與離貳蠢爾小  
 夷若猶稔惡不悛仍來犯我邊陲擾我工作者則其  
 數亦不能甚多當督率三軍運謀戮力或據險以遏  
 其入或設伏以邀其歸乘虛以擣之用間以疑之多  
 方以誤之又乞假以威權使得展布有功者賞不踰  
 時干法者立斬以殉可攻可守惟机会之宜或退或  
 進無掣肘之患則號令齊一賞罰嚴明如此而士氣



不振。敵人不畏。未之聞也。臣訪得舊日邊方失事。多因探報不明。號令無素。倉卒遇賊。首尾不救。強者敢于深入。而陷入伏中。弱者見賊。即走。而搖動陣勢。昔人謂用兵如兒戲。臣以爲此兒戲之不如。若此弊不革。臣恐無以善其後也。

陳芒部事宜疏

芒部事宜

據各官勘得該府開設之初。設立土知府一員。流官通判一員。經歷一員。隨司辦事。原立火頭一十六名。總管二名。里長三名。分管夷徠。認辦糧差。無亂。近年

已故土官隴慰娶水西女冲中爲妾。所生長子隴慶。次子隴沙。別隴壽。又娶烏撒女冲叔爲妾。隴慰故被姪隆福姦占。冲叔生子隴政。儒荅女阿黑。後隴慶故隴沙。別亦故。遺下鬼妻奢郎。未曾婚配。在于却佐種住。阿濟收伊爲妾。後隴壽與隴政爭官。仇殺隴壽孤弱。依憑先存。今故沙保。在于地方梧桐山住坐。正德九年。隴壽見得隴政勢大。不能抵敵。搬移却佐地方。避住日久。與嫂奢郎相通。有孕。正德十二年正月十一日丑時生男。乳名隴勝。隨母在于舊芒部府沙保。



塞撫養八年，至嘉靖三年內，告蒙上司將隴壽保送襲職，仍蒙暫與冠帶，署管府事。復被隴政計令族叔阿柏報仇，陰謀殺死，仍欲謀滅隴勝。彼時沙保知覺，將隴勝并壽遺下金銀手飾錦段牛馬等物，偷路送往却佐地方。伊叔阿濟處護養，見年二十三歲，審據各耆老把事火頭，并大小夷苗俱稱係隴壽真正骨脉，夷情信服，應該保舉。及查阿濟舊係長官白壽一族，原係芒部和尙一種，不係隴氏枝派，恐有隱諱，不的。又經差人前去却佐地方，行取隴勝驗視親見該

府年高耆把跪拜道傍，以禮迎接護送，見各夷實有歸服之心，供報一詞，再無異說。職公同議得芒部自改土為流，亂無寧日，既該委官取具該司官耆目把舉保隴勝供結前來，相應俯就量授佐貳職銜，署管本府印信二三年之後，果能鈴束夷民，撫安地方，奏復知府，四長官司相應照舊存留。隴勝既擬復官，則舊管把目歲辦稅糧，朝貢額種地土，相應清復新設學校等衙門，相應裁革，其防禦一節，議得威清兵備先年因西堡長官司管下阿得獅子孔二枝蠻民聚



衆爲患謀殺土官，奏設專在安庄住劄，控制諸夷。後因芒部不寧，暫于畢節撫處。蒙巡撫貴州右副都御史楊一漢題將貴州迤西原設兵備副使，常在畢節住劄，所轄畢節烏撒赤水永寧四衛，正與烏撒烏蒙東川芒部永寧四府一司相對，合令兼制。已經題奉欽依，備行前來除遵依外，但畢節東至安庄一十三站，西至普安一十二站，每一出巡，動經數月。况原奉勅書所地方，如安南普安衛州西連雲南霑益羅雄，南接廣西田州泗城等處，與程番安順永寧等撫

州諸夷聯絡，叛服不常見。今安順州西堡阿得獅子孔恃險負固，不納糧馬。鎮寧州則有隴太奢姑之爭，印普安州則有隆寧適腔之爭。官又與田州惡目郎犴郎豹仇殺不已。本官俱該往來撫處禁治，欲專于畢節住劄兼制迤西地方，不無顧此失彼，委實不便。合無于貴州按察司暫添兵備一員，請勅專在畢節住劄，整飭永寧赤水烏撒畢節四衛及鎮雄東川烏蒙烏撒永寧宣撫四府一司操練軍馬，禁止盜賊。凡一應軍民詞訟官吏賢否，俱聽管理其層臺白崖摩



泥普市黑張瓦甸等驛站鋪陳站馬錢糧通行總理  
若葡地方夷情應呈四川者呈請四川應呈貴州者  
呈請貴州各鎮巡衙門定奪仍兼管分巡貴州道候  
事寧之日另議裁處其威清兵備仍照仍于安庄衛  
住劄議照 朝廷之威令以順逆爲與奪今諸夷既  
協心効順當取其悔悟之新以爲柔遠之策臣等博  
訪輿情熟度事理爲處芒之計者其大約有七

一曰因地方以定土流芒部設在川貴極遠之邊道  
路之險習俗之殊固嘗稔于聽聞今臣等親由永寧  
赤水以至畢節重崗巨箐馬不成列間關已是百備  
又由畢節以至鐵鎖關而入備訪山箐益深道塗益  
塞部落有名巢居非所人形獸跡據險爲安其飲食  
男女性情好惡與中土之人天壤懸絕其地不同是  
爲異域其性不同是爲異類于此而強欲奪其故態  
比之馬湖易以流官非惟法不可行而勢亦是不能  
行况流官 皇上之流官也土官 皇上之主官也  
孰非臣妾孰非藩屏其可與否惟在宜于人情合于  
土俗以地方獲安爲善計耳何擇于斯何利于斯而



拘拘改流以病民哉。

二曰慎夷情以續絕世。隴氏之族止遺隴勝當時議者惑于疎遠過房與年少無知之說以故釀成改流之議今芒部諸夷無大小衆寡合詞保稱的係隴壽存日與故兄沙剔鬼妻奢郎所生夷人無綱常之理有骨脉之重例應從俗及備訪夷情阿濟爲諸酋之強勝者而部落見之則立隴勝以三尺之童而部落見之則跪可見犬羊之類執性最堅而其机與勢有牢不可破者矣平時人皆知之能言之而不敢輕爲

議復者以事體重大疑而未決及查得副總兵何卿先年任叅將守備永寧時常舉呈四川巡撫衙門比以改流之說勝而事遂中止矣其過房恩養之說誠無所據及近奉勘合該部等衙門尚書桂萼等會議得土官土舍或爭襲或仇殺朝廷興師問罪甫定之後建議者卽欲改設流官及流官再設而土夷隨叛殺人奪地比昔尤甚蓋作惡者不過一二人今乃一二人之惡而遂致改易一府一州拂其本心違其約信所謂犯衆怒也是以屢勦屢亂而兵革卒無寧



日。合無凡有土官惡逆被顯戮者。通拘所部頭目。令其舉保應立。力足以制服夷衆之人。或土官之子孫弟姪族人。但爲衆所推服者。卽立之。則次序旁出之爭息矣。等因。備咨前來。通行曉諭。由是夷夏之大分以明。地方之群疑始解。繼以罷兵息民之旨下。而夷情輸服。捷如影嚮。昔唐裴度有曰。韓洪輿疾討賊。承宗歛手削地。非朝廷之力能制其死命。特以處置得宜。能服其心故耳。與今日處芒部之事。蓋有合千載而一致者矣。

三日尊威令以示懲戒。查得該府舊曰芒部。新曰鎮雄。據法論理。官可還其故物。府難復其舊名。宜崇新命。仍曰鎮雄。使隴氏子孫。世知先代爭官仇殺起兵攻討。革府還官之故。庶犬羊之性有所警戒。而朝廷之威令。永永如一日也。

四日存四司以專責任。查得該府原無屬司。近因改流于却佐立懷德長官司。見任阿濟。毋響立威信長官司。見任祖保。夷良立歸化長官司。見任白壽。落角立安靜長官司。見任阿萬。今規畫既定。及查各該地



方周圍數百餘里相應照舊存留責令各守地方一

應應納糧草應當站馬應辦朝貢與大小事情悉聽

該府約束如有抗違及部下夷酋或不時竊發負險

剽掠及結交鄰府幫助為惡各因地方追問懲治

五日明賞罰以定事情隴氏之禍其始而嫡庶爭官

互相仇殺事宜于處而當時誤于用兵事亦往矣既

而改土為流沙保激于試知府程洸之乖方遂糾眾

與兵縛官奪印罪誠有之今族滅無遺類上足以昭

國法下足以懲橫逆而阿濟等雖有微過亦可以將

沙保死后為阿濟等獻其屍并妻孥斬爾時鎮抚即借此息兵后立鎮

功贖罪若復逆其既往究沙保昔日之偽以正其罪

責夷狄于太過以絕其自新之路况昔日之所以偽

者若等垂涎官印所欲未遂而心有未服耳當時用

事諸臣阨于險阻亦難于辨別今日舉巢之獻實

皇上之恩威有以畏服其心而功出于異常茲為善

後之計宜頒布威令赦阿濟等之罪以賞其擒獻之

功聲沙保滅族之誅風示夷虜以為覆輒之監如此

則桀驁者知所戒而効順者知所勉賞罰明而夷情

定矣



六日嚴守備以塞禍源。芒部諸地與烏蒙烏撒水西  
益倉東川等夷互相聯絡。尋常因事仇殺。與小醜出  
沒乘机竊掠。乃其常事。而畢節實諸夷出沒之所。川  
貴藩籬之區。必武備修舉。而後外患潛消。及查威清  
地方。如果南跨廣西之田泗。西接雲南之霑益。利害  
所關。亦不爲緩。合無俯從郡議。整飭威清兵備。見任  
韓士英駐劄安莊衛。專制安南普安一帶地方。仍于  
貴州按察司添設僉事一員。請勅駐劄迤西地方。兼  
管該道分巡。專制畢節烏蒙烏撒鎮雄東川赤水永  
寧四府四衛一司。合用軍士卽四衛中取用。仍于  
新添馬步官軍三千數內存留一千于畢節。應更番  
者更番。應操練者操練。并錢糧知馬通屬管理。其地  
方事體亦聽四川巡撫按節制。如此則官有專責。  
而藩屏無空隙之乘。人有忌憚。而犬羊絕窺伺之念。  
一司之費有限。而地方之賴甚多矣。

七日下重令以戒聯絡。查得諸夷互相聯絡。世結婚  
姻。往往輒因親戚以生仇怨。如已故土官隴慰娶水  
西女冲中。生子曰慶與壽。繼娶烏撒女冲叔。生子隴



政。既而仇殺。水西則爲隴壽之助。烏撒則爲隴政之黨。近日沙保凌犯畢節。實由水西之勾引。而沙保乃水西原日陪嫁之奴。事出有因。禍實陰構。除沙保族誅以正其罪外。乞俯降綸音。垂戒諸夷。令其各守封疆。保身守職。開自新之路。以消聯洛之患。于未萌之日也。以上事理。臣等一一備訪夷情。廣咨衆論。而驗之已往。揆之將來。方敢集議。上請如蒙乞勅兵部會議。廷臣。如果事理相應。合無上稽前王興滅之典。近倣國朝安南故事。將隴勝量授佐二。或同知。或通判。

職銜署掌印信。俟三年之後。果能鈐束夷人。撫安地方。保復知府流官通判。照舊選用。及于畢節添設兵備。以戒戎兵。存留四長官司。以資分理。庶幾內治。修而外患戢矣。其該府原設日把額辦稅糧。舊管田地。相應清復者。與新設學校。陰醫僧道。守禦千戶等衙門。相應裁革者。均乞議處。候命下之日。行臣等遵奉施行。阿濟等夷。仍乞頒布威令。以示戒懲。如是則法之密者。反以爲惠。而威之重者。益以爲恩。而夷情之服。永永如一日矣。陛下如不以臣等之言爲然。



或旁觀窺視者忌其成而撓以他說臣又有至當不易之理爲陛下究竟而極言之且如夷狄之性互相仇殺乃其常事時或有之諺曰夷狄相傷中國之利言雖鄙俚至道攸存萬一千流官有所損傷于係朝廷臣子行止之間遽難輕議由是觀之夷之不可以爲夏也土之不可以爲流也斷斷然矣故自古帝王不治夷狄豈有所憚而不爲哉蓋欲以不治治之乃所以爲治也後此漢棄珠崖人以爲美唐處延陀人以爲戒往事有足徵者又鄉賢孟軻曰仁者以其所愛及其所不愛不仁者以其所不愛及其所愛民吾同胞所愛之赤子也夷我異類所不愛之犬羊也仰惟陛下仁同覆載德竝帝王願無以其所不愛及其所愛天下幸甚

防禦大同事宜疏

防禦北虜

切惟天下之事每患于見之不早而敗于備之不預書曰惟事事有備有備無患易曰君子以思患而預防之蓋机不可不預設而變不可不先圖也胡虜爲中國之患自古所不能免自正統十四年土木之變



自是而後，屢屢犯邊，搶殺我人民，殺戮我官軍，小入則小利，大入則大利。正德十一年，搶至居庸關北口而止。後嘉靖六年正月十七日，又復南侵，殺我官軍六百員名，竟無遺失，獲利而歸，亦未嘗遭一折挫。輕我之心，自此益肆。南侵之謀，未嘗一日而忘也。目今放牧威寧海子等處，養精蓄銳，欲乘秋高馬肥，弓勁之日，大舉而南。臣以為威寧海子等處，離宣大二鎮不遠，尅期可到。若非在我隄備有方，計出萬全，鮮不仍覆前轍。况兩鎮糧草空虛，兵馬削弱，加以我軍屢

遭挫折，怯氣尚存，全無鬪志。不知臨期何以禦之。言之實可寒心。聞之往年遼東朵顏等三衛夷人，乘大虜寇邊，常往營中偷盜馬匹，故大虜達賊時加隄備。雖欲南侵，意向狼跋，近朵顏等衛達賊犯邊，殺死馬蘭峪叅將王道部下指揮李鉞等一員，千戶一員，軍人三十餘名，而未聞有大營盜馬之信。是彼又少一敵也。何所顧惜而不來耶。無恃其不來，恃我有以待之，無恃其不攻，恃吾之不可攻。兵法亦既言之矣。臨變圖策者，緩不及事，先敵致勝者，萬無一失。北虜之



難敵其說有五焉。生長邊外，日以騎獵爲生，拈弓馳馬，習以爲常，一也。日冒風雨，夜宿曠野，性耐飢寒，二也。富者保老營而往牧，貧者借弓馬以寇邊，得利而歸，分半以償，性蠢貪利，不惜死生，三也。牧良馬，淬器械，窺我虛實，乘我無備，洶湧而入，四也。熟知山川險易，擄去人口，資爲鄉導，五也。我軍之不能取勝者，其患亦有五焉。一曰任將之不專，古之人君之命將也，曰闔以內寡人制之，闔以外將軍制之，而兵法亦曰將能而君不御者勝，蓋萬人之命皆係于一人，若非

假以權柄，伸縮由已，則臨敵之時，誰肯捨生而用命哉。故殺一退縮者，則千萬人知畏。古人有婦人亦可驅之使赴敵者，用此道也。近日邊將，動輒顧忌，遇有報到聲息，每以自全爲計，賊之來也，任其四散搶掠，劄營遠望，不敢前縱，遇戰有退縮者，未嘗輕誅一人，人心何所畏懼哉。臣愚以爲急勅兩鎮總兵官彭模等，明開虜賊在套，若官軍臨陣，有不用命退縮者，聽其斬首，則官軍皆知軍法之嚴，而無敢有退縮矣。二曰烽火之不明，蓋墩臺之設，所以瞭虜賊動止，爲邊



方耳目也。近日各邊墩臺雖設有官軍，徒有名存實無濟事。虜賊臨邊，或因下墩取水，或因當夜而竊。甚者捉鎖墩軍，問我虛實，虜賊之來疾如鷹鷂。故炮火未聞而賊已遍川矣。近堡人口頭畜收斂不及，多被殺虜，滿載而歸，由舊路而出，邊方失事率多由此。臣愚以爲虜賊之志在于搶掠而已，若使傳報有節，炮火分明，遇有聲息，各堡收斂人畜，堅壁清野，彼則四散劫掠，一無所得，則必攻堡而我亦有備，人馬困憊，空北而歸，雖不與之戰而彼之志亦隳矣。所謂以逸

待勞者此也。三日邊儲之不實，蓋邊鎮無不以兵馬爲先，而尤以糧草爲急。語曰：千里饋糧，士有飢色；冒飢而殺賊，恐無能也。兩鎮軍士辛苦萬狀，止靠月糧度日，別無生理，矧父母妻子之所賴，衣服日用之所需，皆仰給于此。而月糧折色給銀七八錢，米價騰高，則止糴四五斗，自給不暇，遑恤其他。聞號卽行，腹常不飽，安望其勇于赴敵而樂于効死也。卽今腹裏地方災傷，錢糧多從蠲免，臣愚以爲宜速下戶部從長計處，寧使凡百事從儉，無令邊備空虛，則食足而兵



可強虜無足患矣。四曰器械之不精。傳曰器械不利以其卒與敵也。近聞各鎮軍士禦敵器具擔塞日久自衛不及。何以望其挫強虜而成功也。臣愚以為宜行鎮巡官員令其及時整理。如或軍貧不前則聽其隨宜處置。務令鋒利。則禦敵有具而不患其無備矣。五曰失援之法。輕孫子曰常山之蛇。擊其首則尾至。擊其尾則首至。擊其中則首尾俱至。各路將官顧慮太過。自分彼此。如往年宣府叅將關山。過敵于白羊堡。力戰一日。兵寡難支。總兵官傅鐸領兵出城相向

咫尺。坐視不肯應援。以至損傷數多。至今尤以為恨。及其終也。至于閑住而已。則怯懦者何所懲戒乎。臣

愚以為宜勅各邊將官。但有虜賊入寇。併力勦殺。如

地之律太拘故也

有畏怯自保。逗遛不進。致有失事者。厥罪惟均。必在

不宥。則人心知所畏警。人力齊而虜可破矣。詩云。迨

天之未陰雨。徹彼桑土。綢繆牖戶。今大虜住牧時。將

陰雨。禦虜方略。實亦不可緩也。臣本書生。不諳邊務。

其得之見聞者。不敢緘默。伏望 皇上軫念邊鎮重

地。早下廷議。如何而可使北虜大遭挫劫。如何而可



使我邊兵糧大集以消邊鎮未形之患以紓 皇上  
非顧之憂眾謀僉同上請早賜施行

勘處倭寇事情以伸國威疏

勘處倭情

臣等看得前項夷寇敢于中華肆行叛逆各該地方

是時日本主源義植幼惟臣內藝興細川高專  
政藝兵遣僧宗設川高遣僧瑞佐各來貢先後至

官員先事不能防禦臨變不能勦捕漫無籌策坐失

寧波舊例以先後至為坐次十船內使受瑞佐賄

机宜以致荼毒生靈專據城池劫奪庫藏燔燒官府

後至而坐宗設上設怒遂相殺瑞佐奔紹興宗設

戮官殺將辱國損威莫此為大及查據前後奏章俱

追至城下殺我指揮千戶寺官巡按歐珠以聞

各事涉掩覆而言辭多遁情狃寬縱而功罪未明該

部節次覆題亦不過按據來文遷就議擬雖云行勘

亦主故常所以屢賣 宸聰多是曲為裁荅即今因

循日久未見回報不惟賞罰淹留而人心懈玩抑且

法令廢弛而欺蔽肆行昨見朝鮮國王李懌奏稱倭

奴打攬上國至殺官兵不伏天誅偷生盜境仰仗

皇威勦殺幾盡并將賊首二俘首級三十三顆及長

箭舡總等物差刑曹叅判成洗昌等齎領并將搶回

人口王漾等八名管押前來獻之闕下臣等相顧動

色殊覺懷慚肆聞中外頗喧物議以為堂堂天朝統

御萬國而東南疆場之臣忘忽武備廢棄職守反外



夷人之不若。方且務要掩蔽，苟逃罪譴，若不嚴加究治，何以懲戒將來。參照鎮守三司守巡重臣，濫膺

朝廷藩方重任，不能協謀畫策，以保障地方。海市備

鄭端簡所云市舶可以無華市舶司內官不可不

倭衙門不能遵守舊規，嚴設武備，以防禁禍亂。寧紹

革也

府衛所寨掌印巡捕大小官員坐視夷寇縱橫來往

于封域之內，殺戮攻劫于旬日之久，如蹈無人之境

累無捍禦之方。以上各官職任雖有不同，俱各無所

逃罪訪聞前項二起倭夷到來之時，實因各官從事

怠忽處置失宜，釀成禍亂。及至變作劫殺，又一籌不

展，狼狽失措，貽害生靈，甚至以城門之扁鑰付之賊

手，以日本之國號封我倉庫，舉火自焚。舶司差官為

賊鄉導，閩帥墮地而走，匿民家。守臣棄城而縱賊焚

劫。沿餘姚江吶喊殺人，地方之驚擾可知。抵紹興城

逼令獻賊，府衛之官司何在。且宗設所領倭夷不滿

百十餘人，而寧紹兩郡居民何啻百萬。今乃任彼兇

殘肆意攻掠，畢竟無與為敵。尚謂國有其人，致使最

爾島夷蔑視華夏，蹂躪城郭，破壞閭閻，殺死都司方

面官員，執虜指揮貽國大恥。事出非常，中間隱匿事



情得于道路傳聞未易悉舉。及查得指揮馮恩奏詞亦曰其中情節隱得尚多不敢盡露。今若止令鎮巡官查勘回奏竊恐上誤。朝廷事机下貽地方災害法令幾于不振功罪恐亦不明况巡按御史當時倉卒聞奏稽察未精鎮守等官身負罪愆豈肯吐實臣等夙夜思慮實懷隱憂伏望皇上軫念海隅蒼生惟此兇變兼係夷裔猾夏事關國紀特遣近臣素有風力才望者一員領勅前去寧彼地方逐一查勘前項失事緣由明白分別功罪等第參詳奏來然後重

行誅賞大明陟罰庶人心以定國威以伸而東西

即同宗設來貢

邊徼皆聞風知所警懼矣。載照宋素卿本寧波人背棄中國潛從外夷正本朝叛賊法所必誅。正德年間勾引外夷俱來入貢事已敗露將置重典乃以金寶厚賄逆瑾夤緣特旨幸逭天刑。今次復因此人激成宗設之變訪問宗設倭舡先到而盤貨在後素卿倭舡後到而盤貨獲不宗設內已不平及舶市太監置酒命坐又以宗設席次抑置素卿之下其心愈加懷憤構此禍端實為戎首。若不明正典刑梟首海濱則



將來射利効尤之徒。習為謀叛。靡可遏絕。伏望特勅兵部將今次朝鮮國報獻賊倭仲林望古多羅二名。俱遵照 明旨送都察院詳審明白案候。仍將二倭押發浙江。解赴欽差官處。令與宋素卿對鞫前項構禍緣由。及彼國差遣先後。并勘合真偽來歷。具招奏聞。一同處治。其宋素卿宗設黨與見在監候者。中間審有中國從叛之人。俱各一體梟首示眾。仍要拘審鄉鄰里老人等。根查素卿本宗。及平日知情與交通貿易。或為鄉導奸細之人。鞫問情真。照依律例問擬。

奏聞從重嚴禁以杜後患。其餘審無他情。上請 聖

其後瑞佐

裁。合無編發不近海道邊方。散布安插。決不可令返

光 釋 還 該 國

國。使遠夷知我虛實。引惹邊患遺禍無窮。再照臣等稽考載籍。日本在東海之中。古稱倭奴。魏以來已通中國。其地度與會稽臨海相望。在勝國時。許其互市。乃至四明沿海而來。艤艦數十。戈矛森具。出其重貨。與中國人貿易。即不滿所欲。則燔炳城郭。抄掠居民。往往為海邊州郡之害。我 祖宗灼見其情。故痛絕之。當開國之初。八荒向風。四夷賓服。雖西北勁虜。亦



皆欵塞。惟是倭奴時或犯我海道。是以山東淮浙閩廣沿海去處多設衛。所以為備禦。後復委都指揮一員統其屬衛。摘撥官軍以備倭。為名操習戰艇。時出海道。嚴加防備。近年又增設海道兵備副使一員專管。可謂防範周且密矣。是以數年來。彼知我有備。不復犯邊。奈何邇來事久而弊。法玩而弛。前項備倭衙門官員徒擁虛名。略無實効。寧波係倭夷常年入貢之路。法制尚存。猶且敗事。其諸沿海去處。因襲日久。廢弛尤甚。乃者宗設作亂。大是叛逆。得意揚帆。入海

而去。該部題奉欵依通行各處備倭衙門一體防禦。

及責令緝捕。務在得獲。亦復徒具文移。何曾着實修

舉。伏乞特勅兵部議擬。合無選差官員領勅前去。由

山東循淮海歷浙達閩。以極于廣。會同巡撫官員按

事之虛深矣

後來卒為嘉靖間數年之患公先

部備倭衙門親歷海道地方。查點原設官軍。閱視舊

額墩堡。盤驗見在兵器。官軍缺乏者。即與換給撥補

墩圯壞者。即與修築。官員之不才者。即時易置。法制

之未備者。即時區畫。庶使海防嚴禁。中土奠安。可以

防海。堦不測之虞。可以壯國家全盛之勢矣。再照海



外諸國名載諸 皇明祖訓者凡十有五。而日本與  
焉。其下註曰日本雖朝貢。暗通奸臣。謀爲不軌。故絕之。  
及嘗觀本朝吏部侍郎楊守陳家藏文集。亦復惓惓  
以倭夷變詐兇虐。時以刀扇小物。褻瀆 天朝規牟  
大利。不當與之通好。觀于今日之事。則 皇祖貽謀  
萬代如見。而儒臣論事。後世足徵。其應否通貢事宜  
關係重大。臣等未敢擅議。乞候查明奏至之日。禮部  
奏請勅下勳戚文武。及在廷群臣。詳加會議。上請定  
奪。其羈留編管夷人。合待彼國嗣有遣使到來。然後

明降詔旨切責。一并另議處分。及照朝鮮國送來被  
搶人口王漾等八名。雖審有鄰貫來歷。亦恐或係潛  
從倭夷之人。合無解回本處官司。審有的確。方可發  
落寧家。又查得福建市舶太監奏稱。有海上夷人數  
十。遭風漂舡。奔逃海岸。乞食被獲。卽已逐日。閤給口  
糧。撥軍防守。亦欲伺便放歸本國。臣等竊料此屬恐  
是宗設餘黨竄逸到彼。乞勅兵部查行都察院。將倭  
賊仲林望古多羅譯審。責令供稱。宗設手下據其所  
知夷黨姓名若干。却將福建見獲夷名比對。倘有一



二相同。卽係宗設之黨無疑。則當解赴浙江以憑查勘。若其非是。乞勅兵部亟行福建鎮巡三司及市舶衙門。將前項收獲夷人。亦要以宗設作亂事情。會官嚴加審譯。或將一二用刑考鞫。蓋夷情譎詐叵測。未可輕信。務得真情。從長酌處。不許輕易。致使別有規避。其各該地方官員。失于瞭報。俱各作急查提問明。會議回報。宗設犯華之罪。不可使之竟脫天誅。况夷賊搶掠中國舡隻。不任風濤。未能返國。必且出沒海隅。掩我不備。况其侵狂漂掠之虜。尤乞通勅沿海各處。備倭衙門。整擷官兵。修理戰艦。習風候時。出海洋。瞭捕。務俾罪人斯得。國威以伸。而 聖天子日月之明。雷霆之令。真足以照臨八表。震讐萬方矣。

覆霍韜軍職疏

軍職冒濫

洪武時。內外大小軍職。載在職掌者。原有定額。其後除授漸多。員數冗濫。遂至帶俸官加于原額。不知凡幾倍矣。請將在京在外衛所軍職。查其額外加增之數。開具揭帖進呈。御覽。以俟集議汰省。若內之錦衣衛。冗濫尤甚。宜自今嚴禁援引陳乞之輩。庶官無



浮蠹而國用少舒。又洪武中定制，令武職子弟襲職。至年二十，比試不中，署事食半俸。三年後再試不中者，降克軍。此于世襲之中，實遇遴選裁抑之法。今之襲職者，臨試悉納賂權貴，雖乳臭小兒，無不中格。使軍職益濫，而材力忠勇之士，無由自見。此舊規所當申明者。又所謂太宗平交趾，斥土服遠，大功也。乃謀于賞費于一時也夏原吉，僅陞首勳，餘班賚而已。景泰間，令浙江福建殺賊官軍，獲功五次至七次者，陞一級。天順間，令南方殺賊二十五次，至三十九次，斬首三顆，擒賊首一

二人及死陣者，陞一級。其懃辭秩如此。邇來奏捷者，奏帶者，緝妖言者，捕獲竊盜者，紛然冒陞，不可勝計。此弊蓋出于正德中，權姦用事，假爵賞以鬻私恩，令業已查革，猶望陛下痛懲往弊，以杜將來。

論時事疏

勦寇馭夷河工召對

臣聞忠臣之義，死不忘君。心懷隱憂，豈能緘默。山西潞城之賊，數百人耳，倚山負固，類穴中之鼠。計取則易，仰攻則難。官軍輕用其鋒，累取挫衄。合四處之兵，十數倍之衆，以討小寇，而不統于一人。臣竊憂之用



兵在謀不在衆。事權當一不當分。昔勦山寇滿四葉宗劉輩皆用近寨壯丁。賊中脇從以收全功。顧用之者方略何如耳。宜行鎮巡各官彼此協和。先為可勝之計。而後以兵隨之。有功則同賞。誤事則同罰。亟為蕩平。以安黎庶。川貴芒部之役。連年用兵。再勝再叛。必其處置乖方。亦有不能服其心者。頃又欲調永順土兵進討。所過剽竊。慘于盜賊。且新自廣西放還。又聞遠調。不免怨恣。念茲數省。比年兵荒。軍民困斃。今又爭蠻夷無用之地。強置流官。使腹裏良民陷于塗

專在。用兵也。

制。馭。西。南。只。在。處。置。得。宜。實。不。

炭。臣切哀之。宜命提督尚書伍文定。深惟安攘之遠猷。毋一意于用兵。遠人安則邊境安。而數省之民舉安矣。豐沛河工。二年之內。三易大臣。用人以下計者。三十餘萬。用銀以兩計者。二十餘萬。而尚未有成效。始也講之不熟。而遽行繼也。主之不力。而中止。一行一止。糜費孔多。愚以為宜令群臣知水事者。各陳所見。下工部議。若所見不同。則行侍郎潘希曾親為相度。百聞不如一見。詢謀僉同。然後興役。治天下在決壅蔽之患。以通天下之情。周禮宮正綴衣。皆以賢士



漢宣用龔遂于渤海。召見問所以治郡。郡守且然而况他乎。唐宋有專對。次對。不時召對。因事請對。故事。祖宗朝每遇大事。必召群臣而詢得失。蓋事之委曲者。必須從容口盡。而難一一以文字陳述者。召對之際。不唯可以商確政事。而人之賢否。尤為易見。願察成周命官之旨。參以唐宋故事。恪遵祖宗家法。天下幸甚。

耕籍親蠶疏

重農桑

耕籍親蠶之事。三代以下。非無行之。而草率文具。不足稱述。獨漢文帝二年。詔開籍田。又賜民田租之半。故其時。衣食滋殖。刑罰罕用。伏望皇上。取以為法。因此二事。而思小民衣食之孔艱。皆以重本抑末為主。燕閒之際。見帷幄服御之類。即思曰。得無有製錦繡。選淫巧。以害女工者乎。見器用車騎之類。即思曰。得無有進珠玉。事侈靡。以病農工者乎。享玉食之豐。即思曰。凶年飢歲。得無有困衣食。而不安于田里者乎。有思以成獄上讞者。即思曰。得無有刑罰過于德化。使赤子無所措手足乎。察中外臣工實心愛民者。



進之虛浮無實者黜之。又籍田隙地皆可耕種。官道之傍皆可植桑。自近京邊海。推而廣之。至于天下。申飭有司。田地荒蕪者。召人承佃。而寬其租賦。逃移失所者。招回復業。而貸以牛種。有益于農桑者。無一不舉。有妨于農桑者。無一不去。則衣食足而禮讓興。教化隆而刑罰措矣。

皇明經世文編卷之終

皇明經世文編卷之一百二



華亭

徐孚遠閣公 陳子龍臥子

編輯

宋徵璧尚木

吳培昌坦公

姚宗昌瑞初參閱

梁端肅公奏議

疏

梁材

議勘光祿寺錢糧疏

平估均派

江西道御史商承學題。臣巡視光祿寺。切見該寺職司大烹。錢糧浩冗。節經料理。繁簡隨時。供應俱有常



規設官各有定額。召商交易必圖官吏兩便。領錢折價必求苦樂適均。但今事熟人玩法。久弊生。臣叨承巡視。若不申明整肅。則益就廢弛矣。謹以該寺關係切要四事上陳。睿覽乞勅各衙門查議施行。題奉聖旨。抄出送司。內二事係本部職掌。相應議擬。開立前件伏乞 聖裁。

一慎時估。以示召商平價之公。該寺厨料供公用之物。近年召商上納。例該宛平太興二縣。逐月委官開具時估。揭帖到寺。及臣查驗。其間類多雷同。遷就難以服人。而舖行人戶恃熟狡猾。曾無厭足。每一會估。輒如聚訟。臣竊見京城內外。物價彼此不齊。各坊市集。權量參差迥別。所以上料商人恒以藉口。而又稱有脚價等費。及被節年退下舖戶。訛言中傷。而緝事衙門或因致擾。操縱自如。恐嚇煽惑。是以見在舖行不惟妄窺羨利。思補虧折。而鳥驚魚散。紛紛求退。緩急不可得力。深為未便。乞勅順天府嚴督宛平太興二縣官。每月朔望。各集經紀。謹較斗秤。備訪物價。各具所聞實報。不必相同。以待估計之時。臣等參伍酌



中。裒多益寡。上不損官。而俾價值之相應。下不損民。而致商賈之心服。如有奸弊。聽令巡視科道官糾察。治以正法。緝事人員。禁其生事恐嚇。庶公道行而小民有樂輸之誠。百貨集而供應無匱乏之患矣。前件行據光祿寺查議得本寺各項供用物料。俱係召商上納。逐月會同巡視科道與戶部主事順天府堂上。督同宛大二縣。委官照依市價。兩平估計。給領銀錢。比與民間。多與一分。具載會典。相沿已久。商人樂于趨利。惟恐報買之不多。錢糧亦多精美。輒隨取用。而不匱。邇來京師物價。間多騰貴。科道時估。常欲樽節。不敢驟加。惟恐上虧官價。下招物議。况又有等無籍小人。捏詞投報。緝事衙門。多端生事。嚇詐賄賂。遂致行戶利。或得一二。而資本已虧其八九。於今人人告退。日逐驅迫。若差遣然。殊非事體。今御史商承學題稱前事。具見本官巡視日久。洞察弊端。無非詳慎職掌。禁止奸欺。便于供應之意。深為官民兩便。况係舊規。相應申飭。行令兩縣官員。着實遵行。及榜示諭禁。各項奸徒。不許生事擾害。如違聽科道官徑自拏



治但照該府縣委官供應非其責任不肯悉心任事縱然奉行不過一時後來未免因循怠忽終非可繼可久之道及查得本寺凡供應物料俱經該巡視科道官與同本寺堂上官監收亦係祖宗舊規會典開載甚明近來科道衙門亦有公務巡視本寺或多帶管每月來寺止于收放銀錢監收白糧時估等項其餘商人進納本寺物料往往不暇監理爲今之計必須巡視之差查照舊規專任其職或每日輪定一員前來與同本寺堂上官在門常川監收不惟錢糧

之美惡得以譏察價值之低昂得以詢驗而奸人之挾詐自可少息况內臣求索亦因是而斂戢矣到部查得大明律內一款凡諸物行人評估物價或貴或賤令價不平者許所增減之價坐贓論入已者准竊盜論又一款凡買賣諸物兩不和同而把持行市專取其利及販鬻之徒通同牙行共爲奸計賣物以賤爲貴買物以貴爲賤者杖八十若見人有所買賣在旁高下比價以相惑亂而取利者笞四十若已得利物計贓重者准竊盜論又一款凡私造斛斗秤尺在



市行使及將官降斛斗秤尺作弊增減者杖六十。工匠同罪。若官降不如法者杖七十。提調官失于較勘者減一等。知情與同罪。其在市行斛斗秤尺雖平而不經官司較勘印烙者笞四十。若倉庫官吏私自增減官降斛斗秤尺收支官物而不平者杖一百。以所增減物計贓重者坐贓論。因而得物入己者。以監守自盜論。工匠杖八十。監臨官知而不舉者與犯人同罪。失覺察者減三等。罪止杖一百。又查得大明會典內開光祿寺供用牲口果菜等物進納供用不足于

太祖皇帝於京各林苑俱撥人戶種植食物

民間買辦取資于民間故有牲口果菜等物供用洪武年間令本寺買辦比與民間交易價

不足于民間買辦之文

錢每多一分成化四年令光祿寺買辦物料委堂上

官一員及戶科給事中監察御史各一員會同估計

時價錢鈔兼支具數奏領收買如有奸弊科道官指

實參奏四年令本寺買辦一應物料奸頑之徒稱是

保頭等項名色在街強賒作弊害人者枷號三箇月

滿日從重發落又一欵凡本寺收納一應物料堂上

官一員會同戶科給事中監察御史各一員于本寺

大烹門內驗收成化十五年令京城內外并順天府



所屬地方凡諸色貨物行人依式製造平等斛斗秤尺天平等件赴官較勘印烙方許行使違者如律治罪今該前因爲照光祿寺買辦一應供應之物先年立法較烙斗秤委官逐月時估兩平交易舖商樂從供應無匱但近年以來委因事熟人玩法久弊生所以御史商承學巡視該寺目擊時弊題稱前因旣經該寺查議前來相應依擬合候命下本部備行戶科并都察院將巡視光祿寺科道官今後查照舊規專任其職不必兼管他務以致事無責成及劄付順天府嚴督宛大二縣掌印官每月朔望各集經紀較勘斗秤如法印烙行使及將各項買辦供應物料備訪市價不拘異同開送科道并該寺堂上官以待估計之日會同參伍酌中兩平定擬務使不致虧官損民違者俱各依律問罪其舖商人等進納一應錢糧物料科道官查照會典舊規每日同該寺堂上官于大烹門內常川監收辦驗錢糧美惡譏察價值低昂戢內臣之需求消奸人之挾詐如有奸弊并革退舖戶及無籍之徒訛言嚇詐者俱聽科道官徑自拏送法



司從重問擬照例枷號發落仍乞 天語叮寧緝事衙門今後務要嚴督旗較不許輕信光棍生事騷擾舖商阻滯供應違者亦聽巡視科道官指實查叅奏請處治庶官價無虧弊端可革舖商樂從而供應不致缺乏矣。

一均苦樂以議錢鈔通行之便該寺一應商人上納牲口油麵雜糧等項俱係逐月估計領銀多者三四千兩少者不下百十數兩雖按月輪行折搭皮鈔不過十數分中之一耳其利厚其欲遂矣獨念乳餅麻

繩菜果粗磁等項俱係小行稱貸完官者也顧工領錢最稱苦楚良以寺貯庫之錢乃逐季題領于內府天財庫所收各門門攤與夫戶部召商買納數內之錢也每季雖照例題領率多未發是以該寺錢放不敷致令各行舖戶有嘉靖十七年冬季納料至十八年冬而始得領者有十八年春季及該年冬季皆因料多錢少無從支給者又况所領錢內或雜以新糙低錢是以姝子等行舖戶每遇領錢輒隨涕泣蓋緣支領愆期而錢復雜惡舊債未償而新債又繼也臣

此京師買辦僉商所以多困而致流移高敷致令各行舖戶有嘉靖十七年冬季納料至十八

文襄在閣中曾具疏論之于今為尤甚



愚以爲牲口等行。利多而實惠更速。姝子等類。利輕而得錢又遲。苦樂不均。良可矜憫。必須通融議處。或遇該寺領錢之時。雖牲口等行鋪戶。亦當量給以錢。與皮鈔相兼輪領。倘錢不敷。則姝子麻繩等行之人。亦須與銀鈔兼給。庶通融損益。而苦樂少均矣。又臣訪得戶部買錢。每用重價。而召商買納。不無攙雜之弊。及至該寺關領。又或不能接濟應取。財力徒勞。民無實惠。臣愚欲得戶部扣算該寺每季原額錢數。或內將三分之二折價。徑令該寺赴部領回。給與原應

領錢鋪行。以應時急。其三分之一。仍候按季題領天財庫錢鈔。相兼行使。實爲至便矣。前件行據光祿

寺查議得本寺舊例于內府天財庫每季會關銅錢

鈔已不行使矣未四百五十萬文鈔知開支何用一百萬貫回寺買辦各色供應物

料。先年按季題領。常有錢鈔剩餘。在庫堆積。恐致貫朽滯爛。曾經科道會議通融區處。雖牲口油麵等行。原係估給銀價者。亦或照依市價。每百兩搭派三四兩。扣除應支銀兩。後來該庫漸漸短少。以致自嘉靖十五年秋季分起。至十九年春季分止。共欠一十五



季該錢六千七百五十萬文鈔一千五百萬貫通未關領致使姝子等行戶該給價錢委的經行欠下無從支給及查得給與行戶錢鈔價值往年每錢七百文作銀一兩近年以來每錢一千文止折價銀一兩鈔一萬貫價銀三兩二錢又屢據行戶告稱揭債買上物料經年不得關領以致資本消耗切見得天財庫該收各處鈔關稅錢戶部今已題准折銀解部該庫所收者不過各門門攤等錢以致不敷關給况其餘召商收買每錢二千文鈔一千貫官價銀三兩三

四錢貴至三兩五六錢及至關領回寺每錢二千文本寺估計銀二兩領出變賣價銀不上二兩鈔一千貫本寺價銀三錢二分領出變賣價銀不上一錢告乞轉行戶部議題折銀誠爲兩便今御史商承學題稱前因無非簡便行移節省財費深爲有見相應變通合無將節次已題未關錢鈔除嘉靖十五年秋季分已經會有候領勘合關領外其餘季分每錢一千文折銀一兩鈔一萬貫折銀三兩本寺徑赴戶部領銀回寺供應以後每年終該庫通會所收各門稅錢



除支各處外應有若干該給本寺者照依會題關領其餘扣有未足之數本寺照前亦赴戶部領銀回寺供應亦不必如皮鈔兼搭則官商俱便而無拖欠之累矣本部查得大明會典內開弘治六年令河西務蘇州九江臨清淮安揚州杭州鈔關照例每鈔一貫折銀三厘每錢七文折銀一分正德十四年九月內爲預處財用以備匱乏事該本部等衙門會題照得太倉銀庫空虛合無將各鈔關錢鈔行令俱暫折收銀兩解部轉送太倉銀庫題奉 武宗皇帝聖旨准

議嘉靖八年九月內爲改收權稅以便商民以濟國用事該巡按直隸御史魏有本題該本部議擬行令各鈔關照例每鈔一貫折銀三厘每錢七文折銀一分按季解部轉送內府承運庫交納如遇本色錢鈔不敷就將前項折色銀兩支與光祿寺等衙門買辦應用題奉 聖旨准議嘉靖十四年四月內爲比例改收課稅以祛宿弊以益官民事據本部委官主事李琪呈該本部議擬仍劄本官將崇文門宣課分司錢鈔每鈔一貫折銀三厘每錢七文折銀一分送部



給單賚赴內府承運庫交收。題奉 聖旨是。嘉靖十七年九月，內爲罔遵舊制，累將錢鈔改折銀兩，以致匱乏，懇乞 天恩，仍復成憲，收納本色，給濟公用等事。該司鑰庫署庫事內官大監王滿等題稱：節據光祿寺內外各衙門公文關領錢糧數多，實在應存錢鈔不多，乞要將江西九江淮安揚州蘇州杭州臨清河西務鈔關板關及崇文門分司商稅錢鈔，遵照舊制，徵解本色錢鈔赴庫上納，急濟拖欠前項衙門買辦等項供用。題奉 聖旨：該本部議擬，暫于太倉銀

庫收貯折糧折草餘鹽等項銀內借支，照依時估，會同巡視十庫科道及本部委官，召商買納，運赴廣惠庫，轉送司鑰庫供用，除存留幾分之外，大率足用而止。自嘉靖十八年以後，行令各鈔關，并崇文門宣課分司，仍照舊例徵銀解部，不必送內府承運庫。改于太倉銀庫收貯，以備召商之用。題奉欽依。俱經通行。欽遵。去後，又查得每年坐派浙江等布政并南北直隸蘇州等府州縣起運戶口食鹽鈔一千二百七十三萬四千一百九十五貫零，銅錢二千五百四十四



萬八千三百九十文零在京文武衙門官吏并隨住人口每年辦納食鹽鈔六十餘貫崇文等九門門攤商稅每年收受鈔六十餘萬貫銅錢二百五十餘萬文俱送廣惠庫交納轉運司鑰庫收候聽用今該前因爲照光祿寺每年按季于內府天財庫關領銅錢四百五十萬文鈔一百萬貫回寺買辦各色供應物料循行年久已是定規但該庫遇到商人上納錢鈔不行用心揀選以致攙雜爛鈔低錢全無實用又往往積欠數多過期不得關領其舖行上納牲口等料

者雖按季折搭皮鈔而領銀數多猶有厚利獨上納菜果等物者專領銅錢本少利微委的最爲偏累况本部每年按季時估蓋以好錢好鈔爲則而該庫所收錢鈔縱容奸商攙以低錢爛鈔以致各色舖行不霑實惠所以御史商承學具題并該寺呈稱且太倉銀庫所積不多又各處鈔關料銀解到數少俱合議處欲候命下本部移咨各該巡撫巡按將嘉靖十八年以前坐派浙江等布政司并南北直隸蘇州等府州縣起運戶口食鹽錢鈔嚴督承行官吏逐一查徵



盡數解部并崇文門等九門門攤商稅錢鈔在京文武衙門食鹽鈔貫俱送該庫上納以備各該衙門支用之數及行內府該庫將見收在庫錢鈔行順天府用心揀選除好錢好鈔外但有低錢爛鈔逐一揀出各有的數若干分派原納商人名下具由連人轉送法司查照律例問罪及行光祿寺將節年未關錢鈔除嘉靖十八年冬季以前照舊于該庫陸續會關外自嘉靖十九年春季爲始每鈔一塊銅錢二千文共折白銀二兩每季終具該寺印信明文領狀差官赴部轉行太倉銀庫支領回寺兼搭見在錢鈔分給牲口菜果各色行戶務要多寡適均毋致偏累候該庫積有錢鈔之日照舊會關給鈔施行奉 聖旨准議行

復議節財用疏 節財用

該給事中曾仲魁等題興革事宜奉 聖旨該部看了來說該臣看得曾仲魁等條陳五事皆體國惜財節用愛人至意相應議擬開立前件伏乞 聖裁  
一曰減會派照得供用庫白熟粳米先年額派四萬



八千石正德年間增添火者數多支用不敷將蘇松

常嘉湖五府糧折金花銀改坐正米增至八萬三千

五百六十二石二斗

世廟初政裁革冗員冗役數皇上臨御百度惟新沙汰冗

多見于夏文愍諸公章奏

員幾復舊額而改坐折糧未蒙裁減臣等會同該庫

太監梁政看得各項錢糧附餘數多斟酌歲用量為

減損查得粳米每年支給內官內使月糧及各太監

年例祿米不時欽取賞賜等項用米七萬八百五十

四石九斗四升七合計積附餘米二十萬三千四百

二石四斗七升四合在庫逐年額派用剩米一萬二

千七百七石二斗五升三合似宜查照各府改坐分

數均一減免又查得芽茶額派五萬二千九百五十

九斤十一兩葉茶額派四萬五千九十三斤除歲用

外每項各宜減派五千斤黑豆額派一千九百三十

九石一斗除歲用外宜減派四百石穀草額派五萬

七千九百七十束雖歲用僅足然見在草束尚有三

年之積歲久不無浥爛亦宜每歲停徵一萬束俟三

年之後照舊坐派臣等竊以內府錢糧雖當儲備然

民之財力國之元氣未有下有餘而上不足者乞勅



戶部詳議查照減派，則民既裕而國用自足矣。前  
件案查先爲奉旨條陳時務事，該司禮監揭帖開稱  
嘉靖八年六月，內官長隨內使小火者淨軍，見在一  
萬二千六百三十九員，各每員各月食米四斗，每年  
共該米六萬六百六十七石二斗，閏月加米五千五  
十五石六斗，安樂堂養病宮人食米一百七十八石  
三斗，祿米等項用米三千九百五十三石八斗，計筭  
一年無閏月，共該米六萬四千七百九十九石三斗  
有閏月，該米六萬九千八百五十四石九斗，已前本

部題奉欽依，移咨巡撫都御史陳祥，轉行浙江嘉湖  
并直隸蘇松常五府，將前項白熟粳米，自嘉靖八年  
爲始，照數均派，依期徵納。其原派八萬五千四百八  
十二石二斗，遇無閏年分內，該減米二萬六百八十  
二石九斗，有閏年分，該減米一萬五千六百二十七  
石三斗，俱于各府正德年間二次加派白糧數內，均  
勻遞減，改回存留，并金花等銀均派徵納。今各官具  
奏，見積餘米二十萬三千四百二石四斗七升四合  
在庫，僅勾三年之用，合自嘉靖九年爲始，不拘有閏



無閏年分，每年再減派一萬二千七百七石三斗五升三合，以蘇民困。其芽茶、葉茶、黑豆、穀草，供用皆有常數，有餘亦宜量減。俱自嘉靖九年爲始。芽茶減去五千斤，止派四萬七千九百五十九斤十一兩。葉茶減去五千斤，止派四萬九千三百三十三斤。黑豆減去四百石，止派一千五百三十九石一斗。穀草止派四萬五千九百七十束，減去一萬束，仍照例折徵價銀，解送太倉交納。候三年之後，照舊坐派五萬七千九百七十束，俱赴該庫上納本色。庶錢糧清而供用足，會派減而民財裕矣。

一曰謹謀始。照得酒醋麵局，近以本衙門互相攻發，貪跡顯著。皇上勅法司提問，用太監武忠署掌印。信武忠履創懲之後，粗知節慎。臣等于凡錢糧收納，立有成規，後可少弊。但查各項錢糧額派及積餘數多，尚屬未清。小麥一項，已經臣等題奉欽依減派矣。其他積餘白糯米一萬五千九百七十一石二斗四升二合一勺八撮，黃豆四千八十石八斗，黑豆四千三百四十六石二斗三升五合，穀草七萬八千八百



八十五束，而又有八年分黃豆五千四百九石，黑豆二千五百石，穀草五萬八百五十五束未收，若又因之，其積尤多。乞勅大監武忠盡將今日所積者爲儲備，自今而後約其所出，以制來歲所入之數。具奏勅下該部查照坐派，一洗舊習之汙，則其入也既有常數，其出也必謹常度，而蠹財之弊無自而生矣。前件查得先爲傳奉事，該給事中曾仲魁等題稱酒醋麵局小麥歷年積餘，及嘉靖八年新收共一萬七千八百六十九石七斗，歲用四千五百石計之，足勾四

年支用，誠恐紅腐，要將未收小麥二千五百四十一石有零，折價上納。本部議擬將未收小麥各處解到，免送該局上納本色，俱照原價轉送太倉上納，候放支將盡，另行召商上納。其嘉靖九年以後會派，本部斟酌施行，題奉 聖旨，又查得本部會派該局自嘉

靖五年起，至嘉靖七年止，每年會派小麥七千三百五十一石，白熟糯米九千八百五十九石，黃豆五千五百九石，黑豆二千五百石，菜豆八百石，穀草五萬八百五十五束，嘉靖八年會派小麥七千石，白熟糯



米九千八百五十九石、黃豆四千五百石、黑豆二千二百石、菜豆六百石、穀草四萬五千束、俱本色上納。今各官題稱該局積餘白糯米、黃豆、黑豆、穀草數多。又有八年分黃黑豆穀草未收，因之其積尤多。乞將今日所積爲儲備，約其所出，以制來歲所入之數，相應依擬合候。命下本部轉行該監掌印官，將前項歷年積餘，并已派未納米、豆、穀草，自嘉靖九年爲始，要見見在若干，并未收若干，大約足勾幾年支用。每年某項該用若干，該減若干，奏行本部查照會派徵

納。庶量入爲出，或糧不致沍爛，而徵輸得以少寬矣。一曰發陳米。查得浣衣局額派粳米六十石、粟米六十石，專以給養犯婦。而歷年旣久，積少成多，附餘粳米七百一十八石七斗七升二合，粟米八百石，委積豐盈，鼠耗沍爛，皆所不免。乞勅該部查發別項免支，續收新米以用。其木炭煤炸積餘，亦多四十萬斤，卽今犯婦數少，亦宜停徵一二年，以寬民力。或于額派酌損其半，俟用度缺乏，然後照舊派徵。庶免積有用于無用也。前件查得本部節年會派該局嘉靖二



年糙粳粟米各三百石，三年糙粳粟米各一百五十石，四年五年每年糙粳粟米俱免派，七年八年每年糙粳粟米各六十石，俱本色徵納。該浣衣局揭帖開稱本局見今止有犯婦六口，每口月支粳米一斗五升，粟米一斗五升，每月支粳米九斗，粟米九斗，一年共食粳粟米二十一石六斗，切照本局不時宮內退出多人，及刑部都察院等衙門送到犯婦，并雲貴兩廣等處進到幼女，雖有餘積，一到之時，就要食用，今各官題稱前事，除木炭煤炸係隸工部掌行，移咨該部，徑自查議外，爲照前項粳米粟米積餘數多，犯婦數少，一時支用不盡，必致浥爛可惜，相應議處，合候命下本部，行移該局，將前項糙粳粟米，各量留二十五石，共五十石，以備支用，其餘聽本部扣數查撥。附近京衛官軍月糧，候嘉靖九年運到嘉靖八年原粳粟米各六十石到部，轉發該局接續放支。嘉靖九年十年免派，嘉靖十一年另行斟酌會派施行。

一曰節糜費，查得尚膳監外鴛房，歲用薦新子鴛一十四隻，而所養鴛鴨多至四千二三百隻，每隻日支



鷺糧三合。鴨糧二合。歲支戶部雜糧多至三千七八百石。又有軍士八十三名。不用差操。專一看養。為照外鷺房之設。乃 祖宗崇奉 先之孝。真盛典也。而

末流之弊。糜費不貲。是豈 祖宗創立之本意耶。合

無自今伊始。額定養鷺二百隻。鴨非所用。不許帶養。

戶部斟酌。定擬支給雜糧之數。每歲令報孳生子鷺

一百隻內。擇豐潔一十四隻充薦新之用。替舊八十

六隻。交送光祿寺。仍存二百隻畜養。歲以為常。其軍

士八十二名。量留四十名看養。餘悉送衛差操。則事

無過中之弊。而費有常經矣。前件查得本部會派

卷內。嘉靖五年起。至嘉靖八年止。每年會派外鷺房

粟穀一千石。每石價銀六錢。共銀六百兩。菊秫一千

石。每石價銀五錢。共銀五百兩。菜豆四百石。每石價

銀八錢。共銀三百二十兩。以上三項。每年共銀一千

四百二十兩。俱派河間保定真定大名四府辦納。及

查大明會典。內開 奉先殿薦新。正月鴨子二百四

十箇。二月鴨子二十二隻。行據尚膳監開稱。外鷺房

每年進 奉先等殿獻新子鷺一十六隻。鷺子五十



箇鴨子七十箇進宮鶩子二百五十箇鴨子一千二百箇送光祿寺醃臘鶩一十七隻鴨一百一十三隻以上通計用子鶩一十六隻每隻大約不過值銀三錢醃臘鶩一十七隻每隻約值銀四錢鴨一百一十三隻每隻約值銀五分鶩子三百箇每箇約值銀一分鴨子一千二百七十箇每箇約值銀伍厘通共不過值銀二十六兩六錢而每年徵解雜糧二千四百石該銀一千四百二十兩是一年所徵足勾五十餘年買辦前項鶩鴨鶩子鴨子之費及又查得奉先殿薦新子鶩鴨子俱係太常寺轉送光祿寺供薦子鶩由南京太常寺鴨子由上林苑監各進用辦送今

何不約歲用之數和買充之而

必多費根廩發該監育養耶蓋亦乾沒其中者多也

外鶩房又有薦新子鶩一十六隻鴨子七十箇并增

添鶩子五十箇會典不曾開載恐非正規其進宮鶩

置也

子鴨子并送光祿寺醃臘鶩鴨似不可缺但一年所

取有限所費實多又常川役使軍士八十三名每名

月糧米一石通共一年共支米九百九十六石為費

抑又不少所以各官題稱前因無非節財為國之計

俱應議處合候命下本部自嘉靖九年為始將各



府解到前項雜糧俱照原價轉送太倉銀庫交納行  
令光祿寺每年赴部支領價銀照數買辦前項鷺鴨  
部覆此廷議者更為直捷  
鷺子鴨子進用乞勅禮兵二部再加查議外鷺房所  
養鷺鴨應否薦新所用軍士應否裁革各另上請定  
奪備行本部遵照施行

一日造運船切以白糧耗費既定民困似可少蘇矣  
然弊源不絕終當復生查得正糧一石例貼船米四  
斗富豪擅利造船攬載每船一隻官價一百二十兩  
埠頭寫船抽銀一十兩部運官需索又不下十兩矣

及至登船一家聚食官價不敷往往賠補此僱船之  
害也糧長不行親當多僱光棍頂解用非已財不知  
愛惜花酒浪費皆坐衙門使用揭債負累動輒奏擾  
以掩奸欺此包攬之害也合無內府白糧十萬餘石  
皆依白熟細米事例打造官船裝載計用一二年貼  
船之米可免數十年水脚之徵而部運埠頭船戶之  
害不禁自除矣伏乞勅下該部行各撫按詳議刻期  
打造仍出告示多方曉諭嚴禁包攬之害則弊可永  
絕矣前件查得浙江嘉湖并直隸蘇松常五府通



年運納內府白米十萬餘石各以原派貼船夫米僱  
 船裝載其領運糧長多有不係親身應當以致僱人  
 頂解花費錢糧誠為未便今各官題稱前因相應議  
 處合候 命下本部行移各該撫按官督同各該掌  
 印管糧官從長詳議嘉湖蘇松常五府通年起運內  
 府白糧十萬餘石每石貼船夫米若干每船裝載若  
 干今白糧仍用民運則比議定寢閣不行矣每年僱船工價若干即今應否打造船隻有無利  
 便經久并合用工料撐駕人役逐一議處停當徑自  
 具奏定奪及嚴加禁約今後管運白糧務要糧長親

身赴京交納不許轉僱無籍光棍頂名包攬花費錢  
 糧違者連部運官一體從重問罪發落

皇明經世文編卷之終



皇明經世文編卷之一百三

徐孚遠闇公 陳子龍卧子

萃亭

宋徵璧尚木 吳培昌坦公

選輯

姚宗典文初叅閱

梁端肅公奏議

疏

梁材

會議王祿軍糧及內府收納疏

王祿軍糧收納

看得詹事霍韜奏陳致災之由，弭災之畧，皆切中時弊。中間祿米軍糧收納數事，係該本部職掌，為照藩



府之需每稱不足繼今支派益行食祿日增不可不豫以善圖其後諸鎮飛輓不謂不勤連年告乏頻仍多出公帑不可不籌以拯救其急貪暴中官橫索使用收受留難重爲民患不可不思以釐革其弊而本官所奏調停宗藩祿米處分官軍俸糧改正內府收納深切時艱相應議處但事體重大必須會同各官熟計詳審斟酌停當請自上裁題奉 聖旨臣等會同後軍都督府等衙門掌府事都督同知等官桂勇等逐一從長議擬開坐伏乞 聖裁

一王府祿米查得洪武年間如山西初封晉府一王歲支祿米一萬石今增郡王鎮輔奉國將軍中尉郡縣等主君并儀賓等至一千八百五十一位員共歲支祿米八十七萬二千三百六石零河南初封周府一王歲支祿米一萬石今增郡王鎮輔奉國等將軍中尉郡縣等主君并儀賓等至一千四百四十位員共歲支祿米六十九萬二百五十石山東初封魯府一王歲支祿米一萬石今增郡王鎮輔奉國等將軍中尉郡縣等主君并儀賓等至三百六十一位員共



歲支祿米一十三萬九千二百三十七石零。湖廣初封楚府一王，歲支祿米一萬石。今增郡王鎮輔奉國等將軍中尉郡縣等主君，并儀賓等至五百八十七位員，共歲支祿米二十五萬九千八百三十石。百姓稅糧有限，而宗枝蕃衍無窮。舉此五府，則天下王府可知也。若不早為議處，委難善圖。其後誠如本官之所議者，伏望 皇上俯從所言，特用 御札行天下。

親王使知洪武初年，各王府祿米止該如此之數。今是時雖奉旨移書各親王令自擇便宜條上然亦日所增至于如此之多。將來 聖子神孫相傳萬世。

竟無成說至神廟時方勸成宗活條一書亦以有限之土地增無筭之祿糧，作何處以善其後？各

有例外陳乞不盡歸于畫一者令從長敷陳上請，國祚億萬年無疆之休，天下不勝

幸甚。

一軍官俸糧，國初設立衛所，官有定員，屯有定額，故

一歲之入足供一歲之用，以後傳乞陞授，日漸加多，

而夤緣冗雜，為弊滋甚，且舊官比試不嚴，而新官得

免比試，真才日少，冗員日增，賢愚混淆，何策善圖其

後？誠如本官之所議者，加以屯政廢弛，住俸朦朧補

支，而犯賊不行降革，見任閒住，勤惰不分，致俸糧欠



缺無從處補法亦屬虛文是以軍職日濫人才不出臣等查得洪武二十七年令子弟未及

二十歲者襲職至年二十乃比試年及者即與試初

試不中襲職署事食半俸二年後再比試中者食全

俸仍不中者降充軍是我皇祖于軍職雖行世襲

之制實寓考選之典故後之有功者可以陞授而不

才者可以汰減萬世不易之法也永樂初令洪武三

十一年至三十五年奉天征討獲功陞職者為新

官子弟年十六出幼襲替免比試三十一年以前者

為舊官子弟年十五出幼襲替俱比試永樂元年以

後獲功出幼比試與舊官同永樂六年令比試一次

不中者發開平再試不中者發交趾三試不中者烟

瘴地面俱充軍別選子弟襲職永樂十年復舊制再

比不中仍令食半俸三試不中者發充軍正統年間

比試違限係無力者三年以上住俸二年半二年以

上住俸一年一年以上住俸半年弘治六年令比試

不中者悉照永樂十年例施行十二年令武職自來

不曾比試者子孫襲職俱住俸三年欽此該兵部題

奉欽依准令新官比試而臣等公同再議別無異詞



亦作養將材之盛舉也。各該衛所額有屯田，專爲供給軍餉而設。近來因循怠惰，不肯盡心，及至俸糧缺乏，徃徃仰給有司。祖宗良法美意，豈應如此。查得見行事例，凡用強占種屯田，問罪官調邊衛帶俸差操，旗軍軍丁人等發邊衛充軍，民發口外爲民管屯等官不行用心清查者，糾奏治罪。又爲陳民便以答明詔事，該本部議擬，合行內外撫按衙門轉行各該掌印管屯官員，自嘉靖八年爲始，俱要照依律限開倉，依期收足衛所管屯官職專其詳，延至次年正月終以十分爲率，拖欠一分以上者，住俸，刻期徵解。管屯旗甲拏問，三月終不行完報者，衛所管屯官革去冠帶，戴罪徵納。首領官吏拏問，各該掌印官事摠其要，通計所屬拖欠三分以上者，亦擬住俸催徵。五月終仍復不行完報者，衛所掌印官革去冠帶，戴罪徵納。管屯官參問，各降一級。都司管屯官并按察司管屯官通計所屬拖欠三分以上，亦住俸催徵。前項降級官員，如果改過自新，廉勤公謹，三年之後，奏請定奪。未完屯糧，仍令經該各官完報，其有悉心幹理，依



期完納者聽撫按并管屯衙門保舉旌擢或量行獎勵內有侵欺包攬受財枉法并迷沒霸占水坍沙壓等項情弊亦聽各官叅寃拏問查處分豁題奉欽依訖又大明律內一款若軍官有犯私罪該答者附過收贖杖罪解見任降革叙用該罷職不叙者降充總旗該徒流者照依地里遠近發各衛充軍若建立事功不次擢用今軍官公事住俸事完仍復補支私罪例該降級者立功等項發落見任如故非惟人心慢不知警且使錢糧因而蠹耗深爲未便各行內外衙

門查照前項律例轉行各該衛所申嚴比試之法修舉屯田之政凡有公事不完例該住俸者文書到日即便截日住支以後止以事完之日爲始開支不許將住過月日一槩朦朧補支違者以盜倉糧律坐罪其犯私罪律該降革者卽行依律降革免其立功仍勅法司再加查議明白上請施行至于曾經推選見任管事並着伍差操者應得俸糧本折照舊關支外其罷軟老疾帶俸間住者應得原支本色俸米每月止支一半其餘俱准折色如此則法令嚴明人知畏



憚。比試者不得倖免。而有罪者降革。則冗員可以漸少。閒住者減給。而住俸者不許補支。則錢糧不致妄費。亦節財裕國之一端也。

此世廟初年邊餉之數。潘司農潢所載則世廟末一各邊軍餉。查得延綏甘肅寧夏宣府大同各有額

年之數也。  
設民屯糧草并京運年例等銀。延綏屯糧六萬六千九十七石。屯草七萬三千二百一十一束。陝西民運稅糧二十八萬九千六百七十三石。馬草五十萬六千四百七十束。河南折布并料豆銀共一萬五千兩。京運年例銀三萬兩。甘肅屯糧二十一萬三千三百

八十石。屯草五十四萬九千七百零三束。陝西民運稅糧三十一萬六千六百一十六石八斗零。馬草一百五十萬四千束。年例京運銀六萬兩。寧夏屯糧一十萬七千七百三十石。屯草二十三萬五千二百束。陝西民運稅糧一十三萬四千三百零五石。馬草一十八萬五千七百七十束。京運年例銀四萬兩。宣府屯糧六萬二千三百零二石。屯草一十六萬七百三十二束。秋青草六百八十萬八千五十束。山東河南山西北直隸民運稅糧共七十四萬五千二百七十



二石三斗草七十萬束鹽鈔銀四千六百八十六兩五錢京運年例銀八萬兩河東運司年例鹽價銀八萬兩大同屯糧一十二萬四千六百餘石屯草一十七萬七千一百餘束秋青草三十三萬九千五百餘束山東河南民運稅糧共五十八萬六千四百七十五石草二百四十四萬四千八百五十束京運年例銀七萬兩又各邊每遇地方有警動調官兵奏討糧餉戶部查議將兩淮兩浙山東長蘆運司額鹽題准開中或五萬十萬引或二三十萬引或四五十萬引

召納本色糧料于緊要城堡上納以備官兵支用又爲處置拖欠邊儲事該提督三邊軍務今任大學士楊一清題稱各該官員輕視邊務不行用心催徵以致稅糧過違律限州縣掌印管糧官及各府管糧官職專其詳以十分爲率拖欠一分以上者除依律提問外仍住俸催徵至三分者照例起送降級其各府掌印官并布政司管糧官事總其要通計所屬拖欠三分以上者亦擬住俸至五分者叅問降級各該守巡亦有督察之責若該道拖欠數多各官坐視不理



者一體參奏量爲罰治俱奏行吏部遇缺不與推陞若罷軟無爲太甚者卽指名劾奏黜退毋容曠職有能悉心幹理完納無欠者亦聽提督撫按及戶部委官保舉旌擢獎勵等因題奉 聖旨又爲修舉屯種事該大學士楊一清題稱欲廣興屯種必先補助屯丁今各衛見在軍伍已非原額守城有數撥屯無人宜令布按二司清軍官清理各衛軍戶應斷軍伍俱令選解精壯軍人真正軍妻并添帶軍餘一名大族衆者二名俱隨伍住坐正軍差操餘丁屯種使其來卽可以爲侶而至卽可以爲家有親屬相依之勢有生理相安之心庶幾久長利使不致隨到隨逃矣又恐戶多消乏清解無人亦可倣古人募民以實塞下之意出榜召募附近隴右關西一帶人民令其納糧以資口食而不當差以足屯額之數屯額之外有能盡開可耕之田者俱聽其便仍待成熟三年之後乃徵其應納之糧而不令其當別項差役等因題奉 聖旨又爲夷情事該詹事府詹事霍韜奏爲安邊足用之長策莫善于 太宗皇帝之鹽法乞勅戶部要



見茸肅邊糧累年缺乏。若何而爲目下賑救之策。若何而爲經久饒贍之策。該部議得國家于淮浙長蘆山東等處設有額鹽。專以接濟邊餉。如遇地方有警。邊儲告乏。就于各邊開中。召商上納。圖其飛輓芻粟。賴以緊急應用。其利甚多。其效甚速。百有餘年。著爲成典。茸肅延綏寧夏等邊設有屯田。專以供給軍餉。永樂年間。邊備振舉。夷虜不敢侵犯。故人得以肆力農畝。收成頗多。一遇開中。引鹽易于上納。糧草官商兩便。以後邊備漸弛。夷虜不時侵犯。以致屯種失業。田土拋荒。糧額虧欠。加以民運稅糧。有司追徵不力。逾年積欠數多。邊糧缺乏。皆非一朝一夕之故。乞勅兵部轉行總制等官。各要修舉武備。威服遠夷。毋得仍前退縮損威。貽害屯堡。本部備行各邊巡撫管屯等官。務要遵照前例。興復屯田。積糧養兵。毋致邊儲匱乏等因。具題奉 旨。俱經通行欽遵。去後。今本官奏稱邊糧日匱。何策賑救其急等因。議得各邊前項糧料草束。不爲不多。開中引鹽。不爲不廣。歲用之數。旣足。客兵之費亦盈。但以邊備日廢。屯地益荒。逋欠



相因追徵不力、經收侵尅、而督察欠嚴、將領誅求、而軍士受害、無怪乎邊糧之日匱也、爲今之計、宜再申明前例、通行提督撫按等官、選擇將帥、振揚武備之威、清查召募修復屯田之政、嚴徵收之法、而住俸降級之類、必在舉行、究侵漁之弊、而發遣陪尅之例、毋事姑息、至于各邊有警、開中鹽引、召納本色糧草、寬以斗頭斤重、則本末兼舉、而經久可行、倉庫旣充、而緩急有備矣、

一內府糧料查得內府承運供應甲丁等庫內官等監酒醋麵等局、并御馬倉收受一應錢糧料物、使費浩大、需索多端、往往負累解戶、破產蕩家、深爲民害、正德十六年四月二十二日詔書內一款、一各處解納錢糧到京、內外管收人員、刁蹬需索使用之數、多于本物、以致上納不敷、重複徵解、貽累小民、該部申明禁約、許被害之人、指實奏告、治以重罪、嘉靖六年二月十三日詔書內一款、一解到糧料草束白熟粳米等項、俱係小民脂膏、收受官員、不肯體念、加倍多收、又有歇家車腳錢、大賊小賊錢、木板蓆苫錢、各有



索取常例，以致解戶借債添贖，輕則破產傾家，重則妻孥累死，小民之害，此爲最甚。今後有仍前故違，分外需求科擾，及監收官不行查革，一體治罪。又爲議處，疊見非常災變，乞特嚴警畏痛，加修省務，崇實德，急回天意事。該禮部尚書等官席書等題，各處大戶解到內府一應錢糧，戶部給付單文上納，必取獲長單方給批迴。今納完聽單大戶有延至三箇月者，有延至五六月者，始得回籍。蓋緣各監局不拘多寡，俱索使用等錢，一處不到，不肯通押。計其所費，將倍所

納，以致在京大戶守候艱難。原籍州縣監併家屬，合將各官嚴加戒飭，今後錢糧一完之日，即便僉押，給與長單，如違聽各大戶赴部告明，勘實奏請處治。奉聖旨：各處大戶解到內府錢糧，納完之日，務要即便給與長單，不許遲延，以致守候艱難。又該南京禮部尚書等官沈文魁等題爲災異條陳興革事宜，開稱內府白糧計船脚耗，必用三四石，方完得正糧一石。又有司多般取辦糧長應役一番，上等之家資囊已費大半，中人之產蕩費無遺，江南大家十室九空，皆



坐于是乞要痛加裁革等因該部題奉 聖旨又爲  
陳愚忠以救積弊事該刑部尚書李承勛題稱國家  
稅糧仰給東南糧長之設責在收納州縣不才官以  
糧長爲囊橐視糧長爲寇讐凡軍糧之類每石大畧  
包賾米七八斗者有之起軍白糧每石包賾二三石  
者有之家有千金之產當糧長一年卽爲乞丐者矣  
一家壯丁十餘當糧長一年卽爲絕戶者矣以致民  
避糧長甚于謫戍伏乞通行兩京內外等官上下一  
心同卹民隱敢有故違指實查叅等因該戶部議擬

具題奉

聖旨內府白糧每石照前旨止許加耗一

斗敢有分外需索的你部裏并科道指實叅奏又爲  
傳奉事節奉 聖旨內外衙門各項錢糧因無官查  
理積弊多端且如後府柴炭銀兩及團營子粒銀該  
管官員收受之際多方掊剋比其支用漫無查考多  
有侵盜私用夫以軍民膏血之餘而徒爲奸豪漁獵  
之資深可痛恨你戶兵工三部卽便通行查議但係  
有錢糧衙門俱要差委科道官監收查理通行歲報  
庶革官弊以裕國用該戶部議擬具題奉 聖旨這



內外各衙門原有科道巡視的照舊象馬牛羊等倉場承運等庫并各監局及府部等衙門收受俸米一體奏差科道官分投巡視監收禁革奸弊南京內外各衙門錢糧着南京戶部照例奏差南京科道官監收督察俱經通行欽遵外今詹事霍韜奏稱臣聞成化以前糧長解戶上納白糧及各料物戶工二部委官同科道驗收乃運送內府糧長解戶不與內官見面故軍校不得勒脇內臣不得多取小民不致虧害弘治以後部官避嫌各款糧料不肯驗收復責小民

運送內府是致內臣軍較詐害小民有白糧一石加至二石八斗乃能上納者矣各項料物有索銀四百八十兩乃得批迴者矣蘇松糧戶有一年傾覆數家者矣各省解戶有久累旅死游魂無歸者矣但查有前項節次題奉欽依詔旨并近日差科道官督理監收正與本官所見相合難再別議合候命下戶部再加申明備行內府監收科道官逐一查照着實舉行內外人員敢有刁蹬需索仍蹈前弊者悉聽指實叅奏拏送法司從重問擬發落望皇上法行自近



今出惟行，則民心既悅，天意可回，而祖宗億萬年無疆之業，端在是矣。

霍文敏公所條諸事，本集中亦已載之。此以部覆故畧載其本末。

駁議差官採礦疏

開復礦場

該武定侯郭勛奏稱開設礦課以資國用，事已蒙皇上勅下戶部等衙門會議。題奉欽依，稱咨山東河南順天等府各該撫按等官踏勘。如果礦脈發見，從長集議採取。去後近該巡撫薊州等處送到礦砂六

十斤。工部煎銷，合用蜜陀僧白炭工食費過銀七兩一錢，得銀一十五兩二錢四分三厘。題送內府承運庫收訖。臣日夜思惟，礦課一事無損于民，有益于國。今泛行各處所司不肯體訪下情，拘泥舊案，所以心思徒勞，功難就緒。真所謂良材付與拙工，有用置之無用。古語有曰：耕當問奴，織當問婢。欲取山澤之利，豈可不問山澤之人，必須專委官員統領，熟知礦脈人役，藉其力以徵其課，則事易集而民不擾，富國安民，蓋不難矣。近據營州中屯衛後所正千戶景時武



下舍餘景時文，具揭稟為不費在庫錢糧，不勞官撥人夫，取山川未判之財，以犒礦夫，得天地自然之利，以資國用。事開稱嘉靖初年，有順天府昌平州懷柔縣民胡臻等，家道殷實，專一出錢供給礦徒。在于薊州迤西，接連平谷地名瀑水，偷礦為生。嘉靖二年，事發，曾被巡撫孟都御史捉獲，各罰銀千有餘兩，以贖其罪。當將礦洞封閉，令人看守。比年時文曾被牽連事內，所以備知詳細。近奉欽依，採取礦銀，所得不償所費，未見成功。時文見得瀑水原封礦洞，已被日前

偷挖，約深數丈，每礦百斤，必須用蜜陀僧百五十斤碾為細末，入火煨煉，鎔化為汁，然後煎銷，始得成銀。大約礦砂一斗得銀六兩上下，每日取砂數多，所以得銀不少。且瀑水礦洞離京一百餘里，又無山險水隘，委的礦脉甚盛，莫若仍招日前已得礦利殷實之家，責令出錢供給器具。蜜陀僧白炭工食之費，僉充擬開行則官無實得而地方受其重累故自來名素有身家舊時曾做礦徒為首者，以為礦甲，報出平日所率善識礦脉，熟知煎銷軍民有籍之人，以為礦臣皆駁沮建言者礦之不可開明矣然彼建言者固皆奸滑誣奏之人即抑有親見盜礦者之利而夫在干瀑水原封舊洞，協力挖取礦砂，就在平谷縣



擇一空大去處立為爐場將日逐所取礦砂委官差

人押送爐所照數驗收接續監視礦甲人等眼同煎

銷成銀以十分為率除三分納于官課以五分給辦

器具密陀僧白炭料物飲食之類其餘二分以償礦

甲人等工力之資似此則礦甲礦夫及供給人等俱

得其利誰不樂從比之動支在庫錢糧派撥在官人

夫大不相同等因到臣看得此輩生長其地熟知礦

脉與其任彼竊取以肥家孰若招來公取以資國若

彼情不遂則我事難成必上下相資官民兩便其言

似宜俯從但恐一面之詞難以盡信連人送發後府

經歷司再三研審相應取供備呈前來臣竊思前次

取礦付之撫鎮等官已經半年之上未能成效再付

之與彼亦恐嫉忌延捱不能如其稟報緩不濟事伏

望 聖明體念國計洞察機微特勅司禮監并錦衣

衛查照先年開取礦課事例從公推選歷練老成監

官或長隨奉御及能幹廉靜千戶各一員齎勅前去

會同彼處叅將守備官將景時文立為礦甲胡臻編

為供給礦戶礦夫照依前項供報事情設立煎銷銀



場限三箇月以裏，但有成效，先行奏報，所得礦課，照例分收進用。若有虛詐，從重究治。差去內外官員，止給夫馬皂隸廩給口糧，不得浪費一應官錢物料。合用委官，就于彼處軍衛有司官吏選取，任使叅將守備官，務要用心防衛，護解銀課，不得坐視，以致疎虞。其撫鎮官亦不得坐使奸人禁治，原日礦徒阻撓成功，以掩前愆。礦場倘有未備，悉聽差去官員從宜計處。若是此礦果然用力少而成功多，常川採取，脈盡告止，庶免科擾百姓，貽患地方，是天賜。皇上自然

之財以足國用。比之前代賣官鬻爵，科取下民，不相侔矣。若此一處得課，其各處礦洞亦可一例推衍而行。伏乞 聖明采納施行等因奉 聖旨：戶部會官

議處來說。又該御史陳哀奏為乞遵舊制復礦場以

事而亦希時建言開礦耶

既為西臺立無可論之

靖地方，以蘇民困。以張國威事奏要先行福建布政司將有礦場分照舊開辦，隨人定課，不為常額。俟礦脈微細，聽其自罷，不為拘制等因奉 聖旨：一併議

了來說。又該遼東自在州撫住達官捕盜指揮同知王緩奏為山澤久產銀鉛，乞恩設官便民煎納，開設



國課以資工料以肅地方事奏稱遼陽南山一帶相接蓋州金州地方山澤中有鉛礦乞要行取二樣礦砂煎約成色高下委令人員專在金州地方督併願自投首煎砂民人夫匠量丁日辦鉛斤銀兩運送赴京等因奉 聖旨戶部知道該本部會同後軍都督府武定侯郭勛吏部右侍郎張邦奇等看得各奏稱開復礦場一節無非欲取天地自然之利以爲國家經費之資况有累朝前項行過事宜文案具存昭然可考卽今大工繼興財用爲急所據各該礦場相應

以次採取戶部先行移咨山東河南順天等府各該巡撫都御史及咨都察院轉行各該巡按御史等官各親詣薊州沂州嵩縣等處將一應有礦山場眼同踏勘如果礦脉發見堪以採取卽便從長集議每處合用委官幾員人夫若干廠房若干器具若干委官選其廉能人夫不拘遠近或編立行伍或更迭分番籍其年貌貫址議其工食課銀務在寬平毋事苛刻廠房先儘附近寺觀否則就山採木隨宜搭蓋以便棲止具器借支在庫官錢逐一如法整造每日所得



礦砂煎銷完日，就于附近州縣，差人給文徑赴工部交納，不得科派里甲騷擾地方，此外若有一應未盡事宜，悉聽各官斟酌舉行，務從民便，再照採礦本以利用，委任全在得人，得其人則幹理詳慎，而事妥民安，不得其人，則處置乖方，而利不償害，仍各請勅一道，資付各該撫按官，欽遵行事，行之以漸，持之以久，御之以寬，使人不知勞，而事克就緒，上以助經費之資，下以消地方之患，等因題奉 聖旨准議，已經通行請勅，各欽遵訖，續爲欽奉 聖諭事，該巡撫順

天都御史党以平題稱採打前後共得礦石六十斤，眼同兵部差來千戶王榮責令做手檢分三等，封收在官，用櫃裝盛，隨將礦洞照舊封閉外，將原採礦石裝封完固，具本開坐進呈等因題奉 聖旨，該本部議擬前項礦石，先該文武重臣會本題知，傳示兵部差官先取少許進呈，以驗成色，方好各處開取，今該巡撫都御史党以平委官于產礦處所採取少許，仍以原來木櫃裝封完固，差官解送前來，相應轉送等因題奉 聖旨，還着工部煎銷成色來說，又爲前事



該工部尚書林庭楫等題稱行據南城兵馬指揮司  
 選取諳曉煎礦銀匠陳瓚等眼同司務朱子恭將原  
 來礦石逐一稱完各除正數外上等稱多十兩中等  
 多七兩下等多三斤十兩封收在官以備稽考將正  
 數督匠煎銷上等二十斤煎足色銀九兩八錢一分  
 計每斤實煎出銀四錢九分五毫中等一十斤煎足  
 色銀一兩八錢一分三厘計每斤實煎出銀一錢八  
 分一厘三毫三等三十斤煎足色銀三兩六錢二分  
 計每斤實銷出銀一錢二厘六毫六絲六忽六微共

銷出銀一十五兩二錢四分三厘其銷礦合用物料  
 買過蜜陀僧一百斤用銀三兩五錢白炭三十一包  
 用銀二兩四錢八分頂罐兩箇用銀七分自十五日  
 起至八十日止共四日銀匠二十一工用過工食銀  
 一兩零五分三項共用過銀七兩一錢詢訪得各處  
 礦場每歲冬後春前山泉消涸礦脉盛旺可以採取  
 今非其時是以礦脉微細煎銷數少又恐採礦各官  
 不識礦脉止憑地方人匠隨意採取或未暇于揀擇  
 似難以此一處槩論其餘今據前因理合隨本進呈

論不見駁奏風力

此段議



仍勅戶部查照勲輔重臣會題事理徑自復奏等因  
該本部議擬題奉 聖旨還照原議舉行經通行欽

遵去後又查得永樂宣德正統天順年間即差內官  
給事中御史辦事官監生往來公同煎辦今該前因

通查案呈到部看得武定侯郭勛所奏開設礦課以  
資國用一節無非富國安民之意但先該廷臣會議

請勅各該撫按官欽遵行事今方數月尚未奏報前

亦復依違

來若遽選差司禮監內臣錦衣衛千戶領勅前去會

同叅將守備官煎辦銀課方行忽改事欠責成所據

以熟識礦脉之人充採取礦夫之役即以所取之財

用為工料之費事省民安相應議處欲候 命下本

部移咨各遵照先奉勅諭并令武定侯所奏景時文

開報事宜再加體審斟酌舉行惟取利于成功不必

拘泥舊案的限三箇月以裏但有成效星馳差人先

行奏報不許朦朧隱匿致悞供用伏乞 聖明裁處



皇明經世文編卷之一百四

華亭

徐孚遠闇公 陳子龍臥子

宋徵璧尚木

吳培昌坦公

選輯

姚宗昌瑞初參閱

梁端肅公奏議

疏

梁材

革徐淮二倉內臣疏

裁革管倉內臣

該總督漕運都御史劉 題查得撫屬淮安府并徐

州永樂十三年設立常盈廣運二倉收受浙江等布



政司直隸蘇松等府民運糧米、近百萬石、常盈倉于淮安府設經歷一員、倉大使一員、副使二員、廣運倉于徐州設判官一員、倉大使一員、副使四員、專一管理、景泰年間糧已減半、而奸弊日滋、至于天順年間、戶部奏差主事各一員、監督收放、禁革奸弊、復差內臣一員、奉勅管理、成化初年、復又各添內臣一員、兼管、成化八年以後、議將常盈倉江西應天蘇松鎮江廣德等處米三十一萬一百石、廣運倉浙江淮揚鳳徐等處米一十八萬四千八百石、改于瓜淮等處

水次官軍交兌、常盈倉止收淮揚常鎮四府夏稅小麥五萬六千六百石、廣運倉止收鳳陽淮徐三府夏稅小麥四萬八千一百五十石、以爲官軍行糧等項支給、比前所收糧米、不過五分之一而已。至於正德年間、常盈倉內臣添至一十三員、廣運倉內臣添至五員、嘉靖年間、陸續取回、廣運倉尚存太監一員、莫昂、少監一員、金奉、常盈倉尚存監丞一員、何英、奉御一員、孟昇、在倉管理、會同巡按直隸監察御史葉照議、淮徐地方、疊遭水旱蝗蝻之患、田地荒蕪、民力困



憊極矣。頻年以來，該納稅糧馬草并備用馬匹，一應歲派雜派錢糧，節經該前撫按等官連章披瀝，荷蒙皇上特賜寬免。凡裁革冗員，節省冗食，減削冗費，無一而不備，皆以爲民故也。至于內臣差遣，如江西河南山東雲南之鎮守，浙江之市舶，廣東之珠池，節奉欽依以次取回，天下臣工莫不仰戴。皇上英明果斷，出于尋常萬萬也。夫以常盈之倉，所收小麥止有五萬六千餘石，廣運之倉，所收小麥止有四萬八千餘石，各差主事一員監督，已爲有餘。而每倉復有內

臣二員，束手高坐，無所事事。然而廩給口糧之費，紙劄柴菜之需，門皂夫牢斗級倉墻軍民匠作之役，或當供應而倍取其值，或當役使而加折其銀，或取于州縣，或取于衛所，或取于驛遞，月以十數計。歲以數百計。積久則以數千萬計。而其害有不可勝言者矣。竊以淮徐連災之地，久困之民，當均徭里甲門役之差，富者典田賣地，貧者賣妻鬻子，竭其財力以備內臣廩食供奉之需，以充其豢養僕從之費，夫何忍哉。當此聖明在上，百度惟貞，額設之官，尚當裁革，而



况增添者乎。正供之給尚當節省。而况多濫者乎。經常之需尚當減削。而况浮冗者乎。豐稔之地。富足之民。尚當愛惜。而况屢歉而極困者乎。臣又查得臨清州原差管倉內臣。近年山東撫按等官。陳請取回。止存一員。地方軍民不勝欣忭。如蒙皇上推廣德澤。一視同仁。特勅該部。再加詳議。合無查照鎮守市舶珠池等差。將常盈管庫二倉管倉內臣。通行取回。惟復比照臨清州事體。于內止留一員。永不加增。庶使冗濫之費。十去其五。民力得以少息。地方得以稍安。

奉 旨抄出送司。案呈到部。看得總督漕運都御史劉題稱。淮安常盈倉止收淮揚等府夏稅小麥五萬六千六百石。徐州廣運倉止收鳳徐等府夏稅小麥四萬八千餘石。以爲官軍行糧。各差主事一員。監督已爲有餘。而每倉復有內臣二員。束手高坐。無所事事。廩給口糧。紙劄柴菜門皂夫牢斗級倉墻軍民匠作之役。爲費不貲。及稱淮徐連災之地。久困之民。乞要比鎮守市舶珠池等差。將常盈廣運二倉管倉內臣通行取回。惟復比照臨清事體。于內止留一員。未



不加增一節為照常盈倉廣運倉先年坐派數多成  
 化年間會議將常盈倉米二十九萬八千一百石廣  
 運倉米一十九萬六千三百石改派附近水次令官  
 軍與正兌糧米一同支兌以後每年本部止是坐派  
 漕運官軍行糧常盈倉五萬六千六百石廣運倉四  
 萬八千一百五十石既各有主事一員又各有內臣  
 二員事少官多實為冗曠且地方災傷供給煩擾相  
 應議處合候 命下移咨漕運都御史劉將淮安常  
 盈倉監督糧儲內臣何英孟昇徐州廣運倉監督糧  
 儲內臣莫昂金奉各俱取回聽候別用惟復不取言比照事歸  
 清倉事體每倉量留一員仍舊監督伏乞 聖裁奉  
 聖旨只留一員在彼監督

查革倉場內臣疏

革倉場內臣

看得戶科都給事中管懷理等題稱先該總提督京  
 通等處倉場內官監左少監王奉右少監李慎互相  
 奏訐事干賍私已奉欽依法司問理乞要于前二臣  
 員缺即日停止不必推補其餘見在京通督理倉場  
 等項內臣一併取回別用一節為照德惟善政政在



養民置吏張官各有攸係。洪惟我朝酌古定制。設監司局庫等官。以供事于內。設府部院寺等官。以分治于外。具存祖訓。體統截然。乃若京通等倉。實皆戶部職掌。故總督則有侍郎。監收則有員外主事。巡倉則有監察御史。每年會計有數。每月出納有經。每季奏聞有規。年終奏繳有冊。催徵則有違誤之條。起解則有程途之限。稽考則有循環之簿。分理則有管糧之官。綱舉目張。萬世無弊。宣德正統以來。始有內官一員。或二員。總督監督。正德年間。權奸用事。傳乞數

多。陸續添設二三十員。以致一羊九牧。需索多門。債累官軍。漕運大壞。幸賴皇上入繼大統。銳意裁革。如王奉者。量留數人。以存故事。而又添差科道。監收錢糧。禁革奸弊。法制周詳。官民兩便。柰何王奉等。竊肆貪饕。多方掎克。名雖總督監督。而實則剝軍害軍。揆之欽定職掌。大有相乖。用于民生國計。全無寸補。所以管懷理等。上體淵衷。有此論奏。無非除害恤民之意。所據王奉李慎員缺。相應不必推補。再照京通二倉內官。呂宣陳儼扶窳司恩。徐淮臨清等倉內官。



邢安何英顏智俱各見在管事若王奉等員缺不必  
 推補則呂宣等似應一體取回內府各該衙門供事  
 以昭奉旨呂宣等一體革回聖祖設官分職之典以成  
 之業則體統不紊而宿弊頓清漕運益修而倉儲永  
 賴矣

運發延綏修邊銀兩及查勘寧夏邊防疏

延寧修邊

兵科抄出陝西總兵官梁震奏竊惟禦戎之要莫先  
 于自治之嚴威敵之方莫急于器械之利臣叨陝西  
 鎮守受命之日寢食弗遑查得本鎮地方東接延

綏北連寧夏西通甘肅南屏關陝周迴廣濶萬里有  
 餘每遇黃河結凍北虜蹈冰住套糾集大舉自延綏  
 安定邊寧夏花馬池興武營等處拆墻入境由小鹽  
 池踰韋州或自豫望城八營川而入必犯固原平涼  
 涇邠等處去省城將不遠或自靖虜衛青沙峴而入  
 必犯安會臨鞏金蘭等處月餘方回原厥所由良由  
 前項地方道路平坦水草甘茂且又有苑馬寺之牧  
所重延每至入掠楊文襄在陝另設官軍以衛孳牧  
 馬羣牧所之孳畜而各該監苑牧丁恩軍并州縣民  
 戶平居之時每遇鎮守官行令守備等官督併修理



崖窰地洞山堡軋塞。彼卽以擾民爲辭。而苑牧官員。輒以勅諭內勿得干預爲說。府州縣正官亦每以軍衛有司相分。致使刁民肆行怠惰。恣意任牧。無所忌憚。一遇賊至。據守失利。少有搶掠。彼卽將無作有。以寡報多。意圖苟免。該納歲課馬駒。及應辦子粒。竟于守土官員職業相累。臣于本年正月二十六日到任。節據延寧傳報虜賊吉囊等。俱從寧夏平虜城侵邊。裏面踏冰入套。整過七日。尚然未盡。則大舉消息。不言可知。此時水草尚皆枯冷。馬匹必爲瘦弱。故未敢

萌內侵之志。如或延至秋高。則前項達賊。豈肯帖然定居。而自治之方。不容少緩。除臣會同巡撫都御史黃臣。備行守備等官。眼同監苑府州縣佐貳官員。親歷各該地方查勘。某處舊有堡寨圍圉。堪以居守。某處不堪。應加修飾。某處原無可以添設。某處狹小。可以歸併。乘今天雪未降。水土融液。作速經理。俱限四月終完報。臣仍親歷閱視。遍設砦塘。遇警晝夜瞭望。尤酌量形勝。緩急盡將本鎮無馬官軍。定名分撥各項寨堡圍圉。給領軍火器械。相同本處人丁併力拒



守。附近倉分關支行糧無事各回原衛所差操勿致浪費再照藩籬既固堂室自安卽今延寧邊牆藩籬也固原等處堂室也如臣前項所行不過修飭堂室竊恐藩籬不固亦未免于盜竊之虞終非萬全之計也臣前叨任寧夏協同繼陞延綏遊擊副總兵三任共計八年竟于花馬池安定邊等處按伏歲嘗多半所以熟視賊虜必由之地方山川險易之形勝幸今仰荷皇上再造之恩付以關陝兵柄泰山在背勢不容默臣惟自寧夏橫城起至延綏定邊褚字號止延長三百七十餘里皆係先年通賊道路正德二年總制尚書楊一清奏築邊牆高厚堅固若堪保障但僅三十里工卽停止後雖接修亦皆低薄草率嘉靖十年總制尚書王瓊奏築大牆一道起紅山堡抵馬跑泉止牆外有深塹塹外有舊邊勢若崇門似可據守但馬跑泉之南有乾溝三十里若爲天險委因久被水雨衝崩間有登援澁路苟使痛加剷削有人擺守亦賴得濟乾溝之南有乾澗四十五里地勢坦漫雖有迤西先年都御史余子俊剷削舊邊亦被雨水



崩墜賊馬至彼易于馳逐所以去年虜酋大舉臨邊惟因新邊有人擺守且有神器射打寅夜由此進入深犯臣所屬地方爲今之計如欲萬全必自定南八墩起徑由瓦踏梁磚井舊安邊抵寧塞營原口止延長一百四十里零二十一丈除將舊邊作爲填心尤須外幫一丈裏幫一丈頂接一丈共計底濶二丈頂濶一丈五尺上安女牆濶二尺高五尺共高二丈五尺每里外設敵臺一座比城尤高七尺方濶三丈上築空洞八尺內蓋天棚一所棚內以爲甲軍寢食之處棚上再蓋小房一間端備墩軍直軍瞭望尤要改移堡寨增添兵馬方得與新築大邊延綏據守但工程浩大費經數萬仍須假以累年方得就緒况今寇在門庭事宜權處臣愚莫如將乾溝嚴加剗削務使陡峻深曲溝岸仍築女牆五尺上安佛郎機等器乾澗之中土脉堅實挑空壕塹一道口濶二丈底濶八尺深二丈內築隄高一丈隄上亦築女牆五尺牆上亦各安佛郎機等器再將舊邊剗削陡峻悉如乾溝形勢每五里築打高固土墩一座俱寬大月城勾五



百兵馬棲止。如遇秋涼馬肥。令當防範。行令寧夏正奇遊兵。駐劄興武營。安定堡。毛卜刺聯絡。東中二路。叅將併力擺守。臣親統本鎮正遊兵馬。馳赴定邊營。住劄。遇警。臣與本營守備。擺守花馬池地界。至乾溝。新邊。延綏奇兵。擺守乾溝。西岸遊兵。并西岸叅將。按伏兵馬。擺守乾澗隄塹。一或賊犯。各據險力用神器。弩弓射打。賊雖桀驁。豈能從天而下。其經費錢糧。起用人夫工程丈尺。臣愚議得調集延綏奇遊兵六千。臣所部正遊二兵六千。延綏榆林三衛屯丁。并西路十三營。僅軍餘共三千。環慶軍餘并附近民丁一千。共一萬六千。內延綏固原。共除六千。專備輪流架梁防護。其餘一萬之數。每名日挑壕五尺。壕長四十五里。可得一十六日完畢。應築土壕月城共一十五座。堤并女牆共七十五里。及剗削乾溝舊邊。大約以二十餘日爲率。通等四十日。俱可就緒。其經費錢糧。除各營馬匹料草不計外。每名日支口糧一升五合。勞銀一分。并架梁官軍。日支行糧一升五合。通筭工畢日期。共該用犒勞銀四千兩。糧九千六百石。但事涉



創建而議者不無勞傷之說。又况腹裏堡寨與夫新築堤塹通無器械執把。除合用神臂弩長鎗狼牙棒骨朶撓勾等器。會同巡撫都御史黃臣自處木料修置外。但查得本鎮神機庫多無佛郎機旋風流星等砲。誠難于壯威而却敵也。伏乞勅部詳議。如果臣言不謬。給發錢糧。行令總制衙門早為經理。命下本部。移咨總督侍郎轉行該鎮鎮巡官會行刊叅遊守等官。查照前議作速興工修築奉聖旨是。欽遵去後。續為懇乞天恩。愍念要鎮。修設邊險。量給神

器以壯軍威。以資保障。事准兵部咨。該鎮守陝西都督同知梁震題前事。該兵部議擬除修邊事宜本部議覆外。其給發錢糧。係隸戶部掌行。合咨煩為徑自議給施行。因咨部送司案候問。今該前因。通查案呈到部。看得巡撫延綏都御史于桂題稱。准鎮守總兵官張鳳手本。回稱。會同鎮守陝西總兵官梁震等。親詣乾溝乾澗等處地方。閱視應築壕隄等臺女墻月城丈尺。起用人夫。并架梁官軍日支口糧。行糧共該九千六百石。犒勞銀四千兩。乞要早為給發。易買糧



米并犒勞支用、總制三邊軍務侍郎劉天和題稱定南八墩、至原口之邊、誠保衛內地萬全之遠圖、乾溝乾澗之邊、乃紆目前救時之急務、及近修興武營一帶邊牆、尚未完固、乞勅戶部查照各官節奏、及今所議、將前項合用修邊銀、延綏四萬二千六百八十兩四錢、寧夏二萬四千七百四十三兩八分、各如數差官分發、延綏者徑從山西、寧夏者則從陝西運送、各巡撫官處、以濟目前興工之費、并

咨稱乾溝等

欽依作速修

築、合用錢糧、及開中鹽課、備行戶部查議給發、各一節、無非制御夷虜、保障地方之意、除寧夏興武營等處邊牆、已經本部題奉前項欽依、閱視未報、似難別議、其延綏乾溝乾澗等處、如果原無邊牆、相應議處、欲候 命下本部、移咨總督倉場右侍郎周叙、查將太倉收貯餘鹽事例等項銀兩、動支一萬兩、本部差官解送巡撫延綏都御史于桂處交割、專為修邊支用、不許別項花銷、事完造冊奏繳、青冊送部查考、其寧夏鎮一帶邊牆、仍咨兵部馬上差人轉行新任總



制并巡按御史遵照前旨作速閱視明白造冊回奏。如果俱各完固堪以保障行令仍舊不必勞費財力。若是未經修理及低簿沙灘不堪保障亦要明白奏請另議興工庶勤惰知所勸懲而財力不致虛冒矣。

議處陝西四鎮邊儲疏

陝西四鎮邊儲

總督陝西三邊軍務尚書王瓊題臣聞兵食大事孔子論足食足兵兵可去食不可去大學論平天下特

上財為言惟戒不可聚斂以傷民故周以冢宰制

國用漢以丞相調軍食所繫甚重不可忽也我朝詔立邊鎮屯兵禦虜軍食充足是以能捍禦外侮內地得安成化弘治年間邊倉充積除勾歲用外常有二年一年半一年之積文冊見在戶部收架可查是以雖遇災免動調軍馬供餉不乏如漕運京倉米四百萬石歲用三百萬石三年有一年之積自不缺乏自劉瑾用事各邊廢召糴之法革京運之例以致邊儲鹽課補本色與和糴相兼而行則邊儲可以充實矣大匱却差官吏量屯田散銀民間勒買小民受害地方激變召糴之法至今不行各邊守臣屢奏缺乏而



戶部慮恐內帑有限，不敢多發，拘定歲用之數，扣筭給補，或以今年所補作下年年例之數，或以爲例外接濟，或查積年拖欠，不可追徵之稅，扣補作數，文移徒見繁擾，邊儲畢竟不足。卽今陝西各邊儲積甚少，倘遇調兵禦虜，豈能得士嬉飽，保無失事之患哉？又今各邊奏報錢糧缺乏，惟恐戶部不信，計筭升斗合勺，具在奏內，此簿書錢糧瑣碎之事，有司所掌，不可以煩瀆。聖聽仰惟皇上惟責戶部會計處置，令各邊有儲積而已，臣愚乞勅戶部查照各邊季報文

冊，嘉靖八年冬季終，實在倉庫銀糧若干，勾幾個月支用，再添若干，可勾今嘉靖九年支用，其今年實徵邊糧，係備嘉靖十年歲用之數，不必會計在內，或發京庫銀兩，或開中鹽課，務要會計足用，如見在京庫銀少，催徵江南京庫折銀解用，務復成化弘治年舊規，常使有一二年之積，復召糴之法，務使多積本色，開中鹽課，再不許納價，止納本色，專在各邊開中，不必又于運司中納，如此邊儲漸充，供餉不乏，地方幸甚等因。又該總制尚書王瓊題疏通鹽法以足邊儲



事准戶部咨前事內開本部將兩淮兩浙山東長蘆等運司本年分開邊額鹽共一百三十四萬八千三引于內以四分派邊甘肅一十五萬引內兩淮六萬七千五百引兩浙五萬四千六百八十引山東九千八百四十引長蘆一萬七千九百八十引延綏寧夏各七萬引內兩淮各三萬三千引兩浙各二萬五千引山東各四千七百引長蘆各七千三百引兩淮鹽每引價銀六錢兩浙鹽每引價銀四錢山東鹽每引價銀一錢五分長蘆鹽每引價銀二錢五分行各該

巡撫都御史候秋成有收之日斟酌時價定擬斗粟斤重召商上納本色糧料草束收貯緊要城堡專備動調官兵支用其存積鹽七十四萬八十三引如遇地方緊要缺乏另行奏請開中等因備咨到部議得我朝天下衛所設立屯田而六邊尤爲緊要卽古人以逸待勞以全取勝之意往年士馬精強夷虜遁伏故人得以肆力耕種收成頗多邇來武備漸衰夷虜深入爲害拋荒逋欠並無一處繳有通關軍餉不敷一切仰給有司有司不敷近又仰給內帑內帑不敷



將來何所仰給乎。故養軍雖資于民而廣屯種。時糧賞禁剝削。修武備為急。屯種不廣則戰守無資。武備不修則屯種廢業。糧賞不時剝削不禁則軍士日困而屯種益難。伏願陛下勅諭鎮巡將領等官持秉公廉申嚴號令烽堠必謹器械必精屹然有干城之壯軍餉必敷科害必究怡然有挾纊之恩以戰則威以守則固使進退有餘而耕作不致廢業制勝可以無虞矣。我朝天下設立鹽場而淮浙等處尤為急務。兼引數銀值

而論則淮多初鹽半矣  
價銀六錢兩浙四十萬四千七百六十九引一百

四十九斤二兩每引價銀四錢山東八萬三千一百

二十二引一百二十四斤每引價銀一錢五分長蘆

一十三萬五千七百七十五引八十六斤每引價銀

二錢五分專備各邊召商開中飛輓本色芻糧接濟

緊急軍餉往歲收成頗好糧草易集商人得利邇來

災傷踵至本色價高加以私販盛行斗頭未減科罰

勸借秤掣遲留以此商人不樂開中故濟邊雖資于

鹽而禁私販減斗頭戒科罰勤秤掣為便夫私販不



禁則官鹽愈滯。斗頭不減。則價色益高。科罰不戒。秤掣不勤。則商人賠費。而坐守益困。尤願勅下各該巡撫。巡鹽併管糧郎中等官。申明律例。禁私鹽。引價雖有定數。斗頭聽其低昂。止令上納本色芻糧。此外不許分毫多索。支鹽出場。隨到隨掣。勿使久候。費累資本。商人稱便。邊餉有裨。鹽法因以疏通。而緊急不致匱乏。臣等又議得陝西八府稅糧。例不解京。專一撥派延寧甘肅二鎮。并固原等處。以供軍餉。舊規俱是民運本色。後因道路險遠。改徵折銀。行之亦久。但各

邊倉塲額設官攢。例該收受本色。如近日延綏饑荒。無米可糴。縱有銀兩。委難濟用。又聞近規。雖運本色。亦是徵銀。到于該鎮地方。收買糧草上納。然時歲豐凶不一。地里遠近不同。脚價多寡不等。人情兩襲。好逸惡勞。若不通融議處。未免有誤地方。合無通行陝西各邊撫按官。會同都布按三司等官。查訪舊規。從長集議。各論時歲之豐凶。或分地里之遠近。或計脚價之多寡。或本折各半。或六分本色。四折色。或七分本色。三分折色。或附近州縣。年豐米賤。聽其自便。



全運本色。不必拘以折銀等因。嘉靖九年四月二十三日具題節奉 聖旨。這會議足國經常事。朕已具悉。并急屯種通鹽利等項。都依擬行。欽此。俱經通行。欽遵外。查得各邊歲入延綏鎮額該屯糧六萬六千九十七石。屯草七萬三千二百一十一束。秋青草九十八萬三千四百一十八束。京運年例銀三萬兩。陝西河南布政司歲派起運糧料三十萬五千石。草五十萬六千四百七十束。寧夏鎮額該屯糧一十七萬五千九百四十六石六斗七升。屯草二十三萬餘

束。秋青草二百二十二萬束。京運年例銀四萬兩。陝西布政司歲派糧料一十三萬四千三百五石。草一十八萬五千三百七十束。甘肅鎮額該屯糧二十一萬三千三百八十石。屯草五十四萬九千七百三束。京運年例銀六萬兩。陝西布政司歲派起運糧料三十一萬六千六百一十六石八斗五升。固原洮岷等處額該屯糧一十五萬五千四百五十九石。屯草二十萬六千八百四束。秋青草六十萬七千一百八束。陝西布政司歲派起運糧料三十八萬四千三百八



十三石、草五十四萬九千九百八十五束。又查得延綏邊儲文簿內，開實在嘉靖八年九月終，見在糧一十一萬六千四百九十一石八斗二升，料七萬七千四百八十七石八斗八升，草一百七十三萬六千一百三十五束，銀四萬四千二百五十四兩二錢零。寧夏邊儲文簿內，開實在嘉靖八年十二月終，糧六萬三千八百一十一石一斗八合，料六萬六千八百五十二石五斗二升，草六百四十七萬一千九十束，銀三萬五千七百九兩八錢六分零。其甘肅自嘉靖六年

年下半年及嘉靖七年八年二年，邊儲文簿并固原等處嘉靖八年文冊，俱未造繳，無憑查報。及查得延綏都御史蕭淮奏稱歲用不足，每年少糧一十一萬六千四百七十一石九斗。寧夏都御史翟鵬奏稱歲用少糧一十四萬一千二百八斗六升零，料一萬二千八十六石八斗二升零，草一百二十一萬四千四百二十一束一十七斤零。甘肅都御史唐澤奏稱歲用少糧一十四萬一百八十二石一斗六升四合零，草一百二十八萬六千二百四十五束。今該前因通



查案呈到部、看得總制陝西三邊軍務兵部尚書王瓊題稱各邊儲積甚少、倘遇調兵禦虜、豈能得士嬉飽、保無失事之患、乞要或發京庫銀兩、或開中鹽課、務要會計足用、如見在京庫銀少、催徵江南京庫折銀解用、務復成化弘治年舊規、常使有一二年之積、復召糴之法、務使多積本色、開中鹽課、再不許納價、止納本色、專在各邊開中、不必又于運司中納價、及又看得本官題稱嘉靖九年下半年歲用欠糧全未、派撥、乞要不拘常例、先將陝西四鎮嘉靖九年下半

年合用糧餉、照數派補、或動支京庫銀兩、或遍查淮浙嘉靖九年以前中剩未開鹽課、如不勾數、催徵江南拖欠京庫折銀、并嘉靖十年兩淮兩浙鹽課減價開中、寧使過多、毋令不足、聽從商便報納、不必強逼兼搭、其長蘆山東鹽課查照近邊開中、或就彼召商納價解京、以備各邊年例銀兩支用、其嘉靖十年歲用邊儲、做此另行會計處置一節、爲照足食足兵二者、不可偏廢、裕邊裕國、事體貴在兩全、今延寧甘肅固原、各邊合用軍餉、遞年會派陝西西安等八府、并



河南布政司歲額夏秋起運并本鎮原額屯田糧草各計一歲之入以供一歲之出如嘉靖八年錢糧止供九年一歲用九年錢糧止供十年歲用此外又有京運年例銀兩係是舊規昔一時邊方警報動調兵馬錢糧缺乏各該撫按等官奏討本部量爲議發京運銀兩開中引鹽例外接濟要在酌量邊情緩急以爲錢糧盈縮處常應變期于足用而已况連歲災傷數多又太倉銀庫所積亦少各邊奏討紛紜踵至支費不敷以此本部議題請 勅差委郎中宋沂等分

投前往浙江等處催償節年拖欠銀兩解京以備處補各邊歲用等項今總制尚書王瓊會計四鎮歲用不足之數乞要大發銀鹽撥補及催行江南京庫折銀解用無非先事預防安內攘外之意深爲有見及查本官正德八九年間先任本部尚書預發年例漆撥銀兩開中引鹽督徵拖欠嚴打草束防護屯種隨時應變守經行權裕邊之計實不外此其稱欲將嘉靖十年兩淮兩浙鹽課減價開中及將長蘆山東鹽課查照近邊開中或就彼召商納價及聽從商便不



必強逼兼搭亦以疏通鹽法之意緣節奉有前項  
明旨擅難別議合候命下本部施行

皇明經世文編卷之一百五

徐孚遠閣公 陳子龍臥子  
華亭 編輯

宋徵璧尚木 吳培昌坦公

姚宗典文初參閣

梁端肅公奏議

疏 梁材

議支靈州鹽課挑空延寧邊塹疏 靈州鹽課

該巡撫陝西都御史寇天叙條陳一增鹽課以補祿  
糧查得韓府宗枝繁衍陸續新封數多歲少祿糧不



能撥補，乞要將靈州大小二池鹽課加增納銀，以補祿糧。該本部議擬，合無仍行本官，再查靈州大小二池鹽課，除舊額并續添正課外，如果產有餘贏，足勾添增，卽照原擬，自嘉靖九年爲始，每年于大池增課三萬三千六百三十六引，小池增課二萬二千四百一十七引，每引納銀二錢五分，脚戶運至卸所納臥引銀一錢，共銀一萬九千六百一十五兩。行令環慶兵備副使，照數召取銀兩，另立簿籍收受，每年解送平涼府官庫收貯，專補祿糧支用，不許別項花銷。原

額鹽課，仍備三邊買馬支用。等因。嘉靖八年十一月二十三日題奉 聖旨：又爲地方事。該巡撫寧夏都御史翟鵬條陳靈州兩池之利固在，收銀之法固行，不知比來甘延二鎮給過鹽銀若干，買過馬匹若干，姑以本鎮言之。二次具奏官軍缺馬騎征，一皆取給于太僕寺馬價，而兩池鹽利未有分毫之助。頃因地方災傷，移文支取兩池鹽銀賑濟，亦無分毫發來。蓋召馬必歸于各邊，收銀則得以別用。乞要將兩池鹽課一循正統初年召商納馬之法，行令延寧二鎮間



歲舉行或委環慶提督鹽課副使就彼召中差官解邊給軍或比照茶馬事規每年各鎮撥軍關領該本部議照二池鹽課節該提督三邊軍務尚書楊一清建議奉有欽依輪流三邊買馬支用著爲定例未遠遵守難以別議但稱節年收過鹽價率皆何項支銷相應查勘合無移咨巡撫陝西都御史劉天和備查兩池鹽課銀兩自都御史楊一清建議之後遞年開賣過銀兩若干買過馬匹若干暫借賑濟若干逐一查明回報如果前銀收貯未發查照督發等因嘉靖

九年十一月十二日題奉

聖旨俱經通行欽遵去

後今該前因通查案呈到部看得靈州二池鹽課先該提督三邊軍務尚書楊一清建議召收銀兩輪流三邊買馬支用著爲定例未遠遵守近該巡撫陝西都御史寇天叙奏添引目另召納銀以補韓府祿糧支用俱經本部議題奉有前項欽依通行欽遵外今總制尚書王瓊奏要令延綏寧夏各管糧倉事分派大小鹽池十月以後不必封池俱召商報中照依時估定立斗頭于附近花馬池定邊營等倉上納本色



米豆以前年分該支商鹽照舊挨支各不相妨既經  
 本官議奏前來相應依擬合候 命下本部移咨總  
 制尚書王瓊會同陝西巡撫都御史劉天和查照先  
 今題奉欽依內事理再加詳議如果相應別無窒碍  
 除都御史寇天叙奏准新添鹽課補支韓府祿糧外  
 其靈州大小二池該中鹽課聽其督行延綏寧夏各  
 管糧僉事悉照奏內所擬施行事完仍將召納過鹽  
 課銀米各數目奏繳青冊送部查考等因謹題請旨

議覆陝西事宜疏

陝西事宜

該戶部看得巡撫陝西都御史劉天和條陳地方利  
 病五事具見本官經國籌邊至計內除實行伍係該  
 兵部掌行者徑自查覆外其預儲蓄重屯田免年例  
 等事合就議擬開立前件伏乞 聖裁

一預儲蓄竊惟全陝兵食歲用不足者其故有五蓋  
 成化弘治以來節次奏免拋荒民屯稅糧及添設榆  
 林等衛先賢常言既設榆林則陝西虛耗蓋鎮徙召募延安土民免糧當軍通計所減不下數  
 十萬計糧額日虧一也宗支繁術添設榆林寧夏等

衛固原鎮戍平虜等所城堡及各鎮叅將遊擊守備



操屯等將領正奇遊兵按伏防守等官軍馬匹月糧支後復支。行糧料草。每歲不下數十萬計。歲用日增。二也。先年軍多幫丁。邊無曠土。豐歲糧賤。軍糧折放。每石二錢五分。邇因正軍多逃。盡將屯丁選補。兼之北虜侵掠。屯地大半荒蕪。重以歲歉糧貴。每石八九錢。尤爲虧累。折支太重。三也。民間稅糧。惟以供邊爲累。陝西外供三邊。較之他省。已爲偏累。近復供固原總鎮。是以一省之民而供四鎮之軍餉。况南有洮岷。北有環慶。舉皆仰給。其何以堪。以故流離轉死。田土

日荒。逋負日積。郡縣倉場。官吏往往逃去。歲用愈歉。四也。固原舊設一守備。爾弘治以來。北虜深入。掠至徑邠。自是累年。虜輒一入。殺掠數十萬計。始設總制。移總兵。叅將。設遊擊。添募兵馬。增築城堡。蓋新設之鎮也。以故無年例銀兩。近該戶部分派各鎮鹽引。固原亦無坐派。獨不得與各鎮等。歲入獨少。五也。臣近爲應詔陳言。乞會計錢糧以制國用。事已具疏。陳其槩矣。至于救弊經畫之方。則猶未之及也。臣請終言之。惟陛下試垂聽焉。蓋善理財。惟制其盈縮。時其



出入而已。今之邊計。莫重于軍餉。莫難于本色。然必  
 庫有餘銀。俾巡撫得以會計盈縮。豐年則增價多糴。  
 秋。冬。則。放。折。色。春。夏。則。放。本。色。各。不。違。時。而。後。供。億  
 可足。今一切不然。豐年則無銀可糴。秋冬則無銀可  
 折。春夏則無糧可放。一遇兵荒。連章累疏。上瀆 聖  
 明。然後發內帑數十萬之銀。累月方至。往往過期。或  
 增價召買。或脚費空運。計其所入。曾不及豐年十之  
 三四。而旋復告竭矣。蓋歲用不足。與夫客兵倘餉不  
 容不仰給于內帑之發。但不貴于多而貴于預耳。如

此議與王晉溪所奏大意相同。

去歲禦虜軍餉。在固原在延綏定邊諸營。皆年豐開  
 鹽所積。至今賴之。若寧夏花馬池。則倍費矣。往事昭  
 然。足有監法。臣愚謂宜勅該部。通查陝西固原甘肅  
 延綏寧夏四鎮。自 陛下臨御以來。九年之間。所發  
 銀鹽。除年例并賑濟外。供邊之數幾何。通融計筭。每  
 歲幾何。然後不待各邊奏請。每年扣發。如十年之數。  
 則于九年秋冬。預發內補主兵歲用若干。預發客兵  
 供億若干。如值年豐價賤。則連發二三年之數。俾得  
 以。及。時。召。糴。存。積。及。本。折。通。融。支。放。其。固。原。年。例。引



鹽必照各邊一體定發。如近年鹽法不行，各邊坐困，乞勅該部該科講求其故而變通之。此外不許再行奏討。及仍稱不足，歲終舉其數上之。陛下歸之該部，以考其成。三年必嚴查盤之例，以察其弊。此固節年已行已發之定規成數也。夫如是，則該部執其要，巡撫任其勞，彼亦自知樽節經費，內帑之發，不踰常規。而各邊之積，必倍常數。計歲有餘，軍餉自足。陛下無批閱章奏之煩，而西顧之憂，亦可以少紓矣。此皆臣徧歷邊陲，備詢審度，一得之愚，不容自默。惟

聖明察焉。前件查得延綏鎮額該屯糧六萬六千九十七石，屯草七萬三千二百一十一束，秋青草三十七萬七千四百六十束，陝西河南布政司歲派起運糧料三十萬五千石，草五十萬六千四一七十束。京運年例銀三萬兩，寧夏鎮該屯糧一十七萬五千九百四十六石六斗七升，屯草二十三萬餘束，秋青草二百二十一萬束，陝西布政司歲派糧料一十三萬四千三百五石，草一十八萬五千三百七十束。京運年例銀四萬兩，甘肅鎮額該屯糧二十一萬三千



三百八十石、屯草五十四萬九千七百三束、陝西布政司歲派起運糧料三十一萬六千六百一十六石八斗五升、京運年例銀六萬兩、固原洮岷等處額該屯糧一十五萬五千四百五十九石、屯草二十萬六千八百四束、秋青草六十萬七千一百八十束、陝西布政司歲派起運糧料三十八萬四千三百八十三石、草五十四萬九千九百八十五束、又查得先爲飢年軍士告支本色月糧事、該總制三邊軍務尚書王瓊題稱固原屯兵去處支費錢糧浩重、緣無年例銀

兩、正德以前固原兵不滿三千、近年添設叅將及舊設遊擊常聚兵萬人住劄、乞要每年定撥京運年例銀五萬兩、與各邊年例銀一時運送、仍撥鹽課開中、庶可少補欠缺、該本部議擬正統景泰年間各邊京運年例銀兩多寡不等、大約不過一十萬兩之數、後復定以爲例、寧夏四萬兩、延綏三萬兩、甘肅六萬兩、宣府八萬兩、大同七萬兩、遼東十五萬兩、以接濟歲用不敷、及緊急兵馬支用、其固原等處比與延寧甘肅極邊不同、所以自來不曾定有年例銀兩、去歲爲



因虜賊在套、運去官銀二十萬兩、聽巡撫官斟酌分派各鎮調兵支用、前項銀兩照數分派、則固原一鎮應該得銀五萬兩、近又奉有明旨、再發官銀五萬兩、運送總督軍餉、都御史劉天和、召買糧草、專脩固原一帶調兵支用、通前共銀一十萬兩、較之各邊年例之數、已爲過多、且查無舊例、別難再議、合咨總制軍務尚書王瓊、會同陝西巡撫等官、查得前項二次運去銀兩、督令守巡管糧等官、上緊召買本色糧草、分撥緊要缺糧倉堡上納、專備調兵支用等因、嘉靖

八年四月十九日題奉 聖旨是欽此、又爲疏通鹽法以足邊儲事、該巡按直隸御史朱廷立題稱兩淮添引之議、不便于商相應停止、該本部議擬濟邊必資鹽課、開中必賴商人、商人得利鹽法疏通、而邊儲可實、商人失利、則鹽法壅滯、而邊儲不充、况請掣各有舊規、委爲未便、合無本部移咨都察院轉行兩淮巡鹽御史朱廷立、令運司將關到添刷引目、徑自具奏銷繳等因、題奉 聖旨是、又爲亟處邊務以保安重鎮事、該本部等衙門會議得陝西花馬池地方、大



虜在套。進退多以河凍爲節。每年十月以前。八月以後。防禦最爲緊要。今總制尚書王瓊。題稱動調三萬人馬。整理七八個月糧草。該用銀兩。相應酌處。合無于太倉銀庫。先動支銀一十萬兩。差官運送陝西都御史劉天和處交收。委官整理糧草。專備動調客兵支用等因。節奉 聖旨是。又爲禦虜軍餉不敷。議處接濟事。該巡撫陝西都御史劉天和。題稱虜衆往套。總制衙門。議調兵馬九千。分布固原一帶城堡。駐劄防禦。自六月初到邊。以六個月計。筭該支糧料草束。

共計折銀九萬九千二百二十五兩。已該總制尚書王瓊。奏討京運銀一十萬兩。內除分發寧夏三萬兩。榆林二萬兩外。止發固原五萬兩。供億調集兵馬。尚少銀四萬九千二百二十五兩。今照前發延安府屬賑濟支剩在庫銀二萬五千兩。及近日開納例銀。乞要聽發查支接濟。該本部議擬。備行本官查將前項支剩在庫銀兩。照數督發固原該道等官。趁時召買糧草。分撥緊要倉堡。專備調集禦虜兵馬支用。如有不敷。查將布政司開納銀。除發寧夏賑濟五千兩外。



餘有見在銀兩酌量動支均發接濟等因題奉 聖  
旨是俱經通行欽遵去後今都御史劉天和條陳邊  
計一節爲照陝西一省民屯稅糧專供延寧甘肅固  
原等處軍餉其三邊則有京運年例銀兩惟固原不  
係邊方且起存錢糧獨多原無年例銀兩係是先年  
會計歲入足勾歲用之數或遇各邊聲息緊急動調  
兵馬防禦征勦糧餉不敷鎮巡奏報本部議奏量發  
銀兩開中鹽引接濟係一時應變權宜原非經常畫  
一之規今都御史劉天和條奏全陝兵食歲用不足

乞要查發例外銀兩以預儲蓄及稱固原要照各邊  
一體定發年例銀兩引鹽固爲先事預防之意但查  
太倉銀庫所積有限而內外支用爲費不貲及查近  
該總制尚書王瓊奏討京運銀一十萬兩內該分撥  
固原五萬兩及准將舊歲賑濟支剩在庫銀二萬五  
千兩悉聽本鎮召買糧草接濟再難別議其稱疏通  
鹽法事宜該本部議擬奉有前項 明旨通行欽遵  
訖合無備行本官查將前項原發禦虜并支剩在庫  
銀兩上緊督令守巡管糧兵備等官趁時召買本色



糧料草束分撥緊要缺糧倉堡上納專備調兵支用不許別項花銷如遇邊情重大糧餉缺乏聽本官星馳具奏以憑議覆上請定奪

一重屯田陝西軍餉不足累厯聖慮臣嘗求其故矣蓋祖宗朝衛所軍餉全仰屯田邇年絕邊屯地多荒所設衛所屯地瘠薄其不足固定若近邊腹裏衛所屯地肥沃計其所入遂足歲支者乃舍此不講而亦惟仰給于內帑臣竊惑之臣頃因征番巡歷臨鞏洮岷等衛查得各衛屯種因成化末等年間大旱

奏免拋荒數十年來復種成熟者悉被衛所官旗隱取租利見徵無多之糧又被官旗私收侵費每年所完曾不及十之二三臣切忿之因弔查屯田坐落塞堡冊籍攜以自隨每于道途所經呼集屯軍親閱屯地而益驗其實且其加收倍取與夫無名科害之弊不可枚舉爲之惕然匪寧已經案行查究禁革臣愚謂屯田各有坐落州縣地名塞堡原額旗軍及令承個人役姓名頃畝荒熟冊籍止宜責令該管官旗從實開報遴選郡縣廉幹官員公同衛所掌印管屯官



員親詣屯塞審勘。卽得其實矣。果有拋荒。及遞年賠糧。不分曾否勘奏。俱以除免。其種熟者。悉令納糧。固不必一一丈量。免致紛擾。其正數頃畝之外。有自開墾畝數不多者。亦不必儘數查報。悉從寬處。但不許將遞年開種山地。捏作正屯。妄報拋荒。仍先出告示曉諭。凡侵占欺隱。悉許自首免罪。如首發查出許問罪及追所隱糧利。候查究造冊至日。通計各衛所每年該支官軍俸糧若干。查成熟屯地。實徵糧若干。除足勾歲支外。不足者。方將民糧補足。定擬每年該補

某季分月糧。其徵收違限。任俸叅題降級。悉照節行事例舉行。如遇災傷減免。方許該道查呈。巡撫議處發補。如仍不足。方許奏請定奪。再照各衛所屯田多散在州縣地方。至有十數餘處。遠在五六百里外者。以故該道難以稽察。官旗易於侵隱。且藏匿逃亡。窩藏盜賊之弊。滋甚。合無仍照近日奏行事例。將前項查過塞堡田糧。行令各州縣掌印正官。每年依限查催稽考。開報管屯守巡兵備邊備管糧各道。庶積弊可祛。而軍餉藉以不匱。逃亡盜賊之害。亦因之少息。



矣。前件看得都御史劉天和奏稱一節無非興利除害之意相應依擬合無仍行本官將近邊腹裏衛所屯田通行責令該管官旗將各田坐落州縣地名塞堡原額旗軍及承佃人役姓名頃畝荒熟冊籍從實預先開報選委廉幹官員公同各該衛所掌印管屯官員親詣屯塞悉照本官奏內事理便宜審勘着實舉行不許虛應故事事完將查過屯田頃畝增減屯糧數目造冊送部查考

一免年例陝西之地

關中沃野漢唐所都何故乃

惟西鳳二府半係平壤其餘州

縣稱地土瘠薄并延慶臨鞏平涼等府率皆高山深谷地土瘠薄天氣早寒歲止一收民多穴處毛褐為衣耕牧為業且以一省而供四鎮之軍餉差繁賦重較之他省勞苦獨甚竭力以供常賦猶不能足往往煩瀆聖聰請發內帑轉輸之費不絕于道誠以邊計至重故也今查布政司自嘉靖元年至九年之間節奉戶工二部勘合坐派年例物料等銀一十四萬六千四百三十餘兩內戶部則黃丹光粉明礬五倍子茜草白芨黃紅生熟銅黃蠟錫牛皮黑鉛牛筋等料銀三萬二



千四百二十餘兩。工部則羊角茜草炸塊羊鹿麋牛皮楊木椴木柁木松木檀木栗木川漆雄黃桐油黑鉛爐甘石金箔甘鍋竹篩水銀魚線膠猫竹等料銀一十一萬四千一十餘兩。未免派徵。取之於民。又多不係本處出產。以是差發益重。民愈不堪。臣愚謂天下至廣。以前項每歲萬餘兩之物料。分派于東南諸藩。所增甚微。而全陝之民。少寬一分。則受一分之賜矣。伏望 皇上軫念關陝重地。四鎮供餉繁難。乞勅戶工二部。自嘉靖十年以後。將一應物料。悉免坐派。

其見派未解銀兩。悉皆停止。俾陝民得以專力供邊。則困苦少蘇。不致偏累矣。前件查得先為遵照舊制。坐派錢糧等事。該本部議擬。題奉欽依。近年坐派陝西布政司徵解物料。甲字庫上納黃丹一千斤。光粉二千斤。明礬七千斤。五倍子二千斤。茜草五千斤。白芨二千斤。丁字庫上納紅熟銅二千斤。黃熟銅三千斤。生銅八千斤。黃蠟一千斤。黃牛皮二百張。錫六千斤。牛筋六百斤。已是舊規。近為應制陳言。以弭災變事。該科右給事中蔡經等。題該本部議擬。合無備



行巡視等官親詣內府眼同該庫內外官員弔取經收印信卷簿將各處解到硃漆等料逐一查驗要見某項物料每年歲用若干見今積庫若干有無陳腐約穀幾年支用備細造冊具奏果穀四五年者聽本部酌量各處地方豐歉及叅酌各官原奏全免不徵穀二三年者量派一年以後悉照此例施行等因續該刑科等衙門給事中等官孟居仁等將查過內府甲丁二庫存積硃漆等料約穀四五年以上支用者黃丹明礬光粉茜草五倍子白芨生銅錫等料約穀

二三年以上支用者二硃烏梅黃蠟牛筋黃牛皮等料不足一年以上支用者銀硃黑鉛水牛角黃熟銅紅熟銅等料造冊具奏前來該本部議得嘉靖七年硃漆銅錫等料先已會計坐派徵解去後難以更改合候嘉靖八年會計之時通融斟酌奏請施行等因題奉 聖旨是於嘉靖八年分止派陝西布政司黑鉛二千斤紅熟銅二千斤黃熟銅二千斤黃生銅三千斤黃蠟五百斤黃牛皮一百張牛筋三百斤其嘉靖九年分亦該本部斟酌會計減派俱經通行欽遵



徵解外，爲照前項物料，係內府供應之數，先該本部題准減派，已爲寬恤。今都御史劉天和又奏前因，但陝西一省供給四鎮軍餉，委爲差繁，賦重民力不堪，相應依擬，合無移咨本官轉行陝西布政司通行各府州縣，自嘉靖十年爲始，將本部歲該額派前項一應物料，悉免徵解，以蘇民困。其以前年分已徵未解，已解未獲批單者，仍逐一清查，追解完納，庶使奸頑不得肆其侵漁，而小民得受實惠矣。

一踏勘拋荒，臣頻年督理邊儲，見內地逋負甚多，祇爲郡縣不能催徵耳。及臣自今春奉命巡撫以來，凡巡歷平涼、臨鞏、西鳳、五府地方，無拋荒者，惟西鳳二府耳。若平涼、臨鞏三府，則村落蕭條，荒蕪彌望，延慶二府，諒亦同之，仍知逋負之由，非盡有司之罪矣。臣思賦由地出，若以前項荒蕪田糧，而悉取足於見存無幾之民，則負累益甚，富者猶能自存，其貧者不盡驅之逃不止也。理財以養民爲本，臣竊憂之。伏覩嘉靖六年二月十三日詔書內一欵，凡荒田地許諸人告官承種，亦免其差徭。三年三年之後，乃纔量納輕



糧又一欵拋荒田地遺下稅糧累民賠納者所在官司須出榜召募儘力墾種免稅三年嘉靖九年二月初八日節該欵奉勅諭各處但有荒蕪堪種之地着召貧民自種不徵稅糧凡地之肥沃堪種者固多招徠墾闢矣惟前各府大荒之後民多逃亡有一里一百一十戶內止存十餘戶者有一甲十一戶內止存十餘丁者有數甲全逃者且多係山地瘠薄易旱間有家道頗過及四外流民又恐糧重負累以是無敢承佃爾臣查得陝西地方節因成化等年大旱拋荒

數多節該巡按司府州縣具奏將拋荒無人承種稅糧除豁有人承佃稅糧每石減納五斗一時爭趨佃種糧額虧欠不多蓋糧額雖減而所得實多否則糧額移存而地荒民逃且并其所存者而亡之矣此固用不足而行徹法之遺意也乞勅該部計議遵照節奉詔勅 明旨除西鳳漢中二府原無拋荒及平涼臨鞏三府州縣內拋荒數少并數多者曾經奏勘除豁減納堪以通融派徵者俱不必踏勘外其餘地瘠民逃拋荒最多州縣令守巡各道督同各府掌印官



遴選隔別廉幹官員、公同掌印官、將拋荒地土沿段履畝、從實踏勘、分爲三等、內肥沃川原坡地爲第一等、則遵召募墾種免稅糧三年之 旨、稅糧照舊科徵、其山嶺地土稍平堪種者爲第二等、則遵諸人承種三年之後、方納輕糧之 旨、每石照例減納五斗、其高山陡嶺最薄地上、則遵召民自種不徵稅糧之旨、將該納稅糧照例除豁、其一里一甲一戶之內、拋荒不及三分、有附近及本里本甲本戶人丁、堪以均派帶種者、勸諭自相資借牛種極貧無力、遵照勅旨、

官爲措給牛種責令開墾、俱不必勘報免虧國計、其先年奏勘減納除豁稅糧、如有成熟年久、地土肥沃、及欺隱作弊者、悉行查出、卽以抵補、今次踏勘拋荒田糧、免致重覆減免、各道各府承委官員、有能上體聖慈、下恤民隱、悉心竭力、區畫有方、踏勘無弊者、聽臣等據實旌獎、徇私作弊者、舉劾、仍責成守令、多方勸相招徠、俾民之逃者悉歸、田之荒者盡闢、以無負聖明憂民圖治之至意、及行延綏巡撫都御史將延慶二府一體酌量踏勘施行、則實效可臻、而全陝之



民均被至仁之澤無窮矣。前件查得先爲清查拋荒田糧以杜奸弊事。該總制陝西三邊軍務兵部尚書王憲題稱據督理糧儲陝西布政司右叅政羅方呈卷查得陝西額徵夏秋稅糧一百九十三萬二千六百石有零。馬草一百五十一萬七千一百束有零。外供三邊主客兵馬內給王府各屬官吏俸祿。成化年間陝西災傷人民逃竄糧草負累見在人戶包賠弘治年間該本司左布政使文貴勘奏准將逃亡人戶遺下地畝開除糧草減去額糧三十三萬一千石

零馬草三十二萬六千九百束零。以此三邊儲蓄未充。近該臣奉命提督陝西軍務時值仲春日。月經過西平等府地方。大路兩傍青苗遍野不見成段地土拋荒衆目所視不係傳聞而叅政羅方不避流言訛傳。歷數田糧欺隱弊情乞要差官清查以復實徵原額。該本部議擬移咨巡撫陝西都御史寇天叙督同布按二司各官通將所屬州縣田糧提弔實徵文冊并先年原奏拋荒文卷籍冊到官逐一檢閱查對明白。除原無奏減拋荒州縣不必查勘外其曾經具奏



減免田糧州縣即便選委廉能官員分投前去悉照本官所擬沿坵履畝從公挨查如某里某人原先逃亡遺下田若干該徵稅糧若干肥饒該徵若干沙薄減徵若干其拋荒地土即今有無召人承佃已經承種及復業人戶有無辦納稅糧未曾召人承佃即今曾否仍舊拋荒從實造冊在官應徵糧草照例辦納中間果有水崩沙壓硝鹼十分不堪耕種斟酌定擬分數量與除免

准放折俸等項支用疏

疏通錢法

看議得南京吏部司務朱希臯奏稱戶工二部請開納銀入監開礦煎銀不若倣古採銅充賦設官鑄錢及嚴禁其偽以行其真新錢既成凡祭祀賓客喪紀軍旅賜予興作俸祿之用皆于此取給比之納例開礦得失相去萬萬一節具見本官目擊時艱革弊裕國之意但今天下州縣則壞成賦著為版籍輸納已久若欲採銅充賦不免涉于紛更其兩京見有寶源局衙門官吏具存是我朝設官鑄錢良法美意固未嘗廢至于嚴禁偽錢使歷代好錢與制錢相兼行使



具載律令及節經題有前項。明旨出榜禁約至再至三。又在京九門并天下戶口食鹽每月進納本色錢鈔俱用制錢及歷代好錢送廣惠庫交收聽候光祿太常二寺買辦舖戶等項開領貿易疏通錢法具在但人心玩愒法久弊生號令稍寬而鑄盜輒起緝捕一懈而偽錢四行錢法之壞實由于此若不痛加嚴治何以屏息奸頑及查嘉靖制錢尚有一萬四千五百七十九萬九千三百六十文未曾補鑄通合議處欲候命下戶部移咨兩京工部將未鑄嘉靖制

錢一萬四千五百七十九萬九千三百六十文工部監造九千七百一十九萬九千五百七十三文南京工部監造四千八百五十九萬九千七百八十七文俱送太倉銀庫交收以備給商等項支用及咨都察院轉行兩京巡城并天下巡按各該監察御史申明禁約但係見今行錢地方務要不拘洪武永樂宣德弘治嘉靖通寶及歷代制錢相兼行使每好錢七十文准銀一錢皮混低錢以二折一若有藏蓄私鑄小錢許赴所在官司首出照依鉛錫時價動支官銀給



領仍免其罪。違者悉照前項律例問擬處絞徒杖罪。名并枷號充軍發落。告捕者官給賞銀五十兩。兩京巡城御史按季在外巡按御史年終各明白具題。錢法曾否疏通私鑄有無捕獲。都察院案候嚴加稽考。以示勸懲。戶部仍行東廠錦衣衛嚴督緝事人員用心訪拏。務使錢貨流通。奸偽屏息。共承朝廷立法除弊之意。及再行九門。并天下戶口食鹽錢鈔俱用制錢。并歷代好錢轉送內府。該庫交納。聽候光祿太常二寺舖戶支領。候有積餘。會數奏請准放折俸等

項支用。伏乞 聖裁。

議處鄖陽流逋疏

議處流逋

撫治鄖陽右副都御史潘旦題。照得臣撫屬之地。湖廣鄖陽荆襄河南陝西漢中商州等處。乃萬山之中。三省之界。實為流逋淵藪。歲豐則火耕水種以避差。歲饑則嘯聚爭奪而為盜。其來非一日矣。臣蒞任二年。時加詢訪。中間流民有先年附籍數姓。朋戶今衆至二三十丁。或五六十丁。自有附籍之心。後因府官科差煩重。隨復逃移。版籍為虛者。又有流來年久。迷



失鄉貫造屋買田取妻生子不曾報冊者又有近年  
荒困流移趁食未歸者又有逃軍逃匠避罪不還者  
凡此數等相應區處方今大造黃冊在邇乞 勅戶  
部行十三省布政司管冊官及守巡道親臨地方逐  
一清查如先年附籍復逃虛戶卽與開除數姓朋戶  
人丁多至十丁以上者酌量分折其有事產妻室未  
報冊者姑免問罪卽以附籍補填前項虛戶格眼一  
應差役比老戶減半科差以示存恤其餘近年流民  
或脫逃軍匠來歷不明之人給示曉諭限三月之內

責令里老保甲鄰佑房主逐之還籍毋許窩容居住  
如過限逐之不去及去而復來許里老保甲人等拏  
送州縣正官查照先年題準事例問發邊衛充軍窩  
主同罪里老保甲隣佑人等不舉者一體究治如此  
則有籍者安之而不致于轉徙無籍者去之而不致  
于嘯聚民志定版籍實盜賊息矣題奉 聖旨案呈  
到部看得都御史潘旦題稱要行三省布政司管冊  
官及守巡道親臨地方督同府州縣各掌印撫民官  
逐一清查朋戶人丁一節足見安撫流民保障地方



至意况又查有前項律例相應再行申明合候命  
下本部移咨湖廣河南陝西各巡撫都御史轉行各  
布政司管冊守巡等官趁今大造黃冊之年親詣各  
該地方督同各該府州縣各掌印及撫民官逐一用  
心清查應附籍者附籍應發還者發還逃亡者准令  
開除報冊者准補虛戶減免科差給示曉諭遵照律  
例斟酌舉行務在事妥民安毋使下人作弊貽患地  
方仍行提督撫治都御史潘旦一體查照施行

皇明經世文編卷之終





